

萬 有 文 庫

第 二 集 七 百 種

王 雲 五 主 編

明 詩 紀 事

( 八 十 二 )

第 一 冊

商 務 印 書 館 發 行

明詩紀事

(八十二)

陳田輯

國學基本叢書

# 明詩紀事卷十八

## 辛籤

黃學謙五首

學謙字又謙一字天益善化人天啓辛酉副榜除樂昌教諭遷興平知縣有紫巖集照杯亭遺草  
沅湘耆舊集又謙晚遭世亂出入山谷榛莽間棲窺無定所遺草凡八卷其曰登甲餘言焚餘草大抵多亂離中作沖和平澹絕少嚙殺之音兼精書法晚病痺右手廢以左手作小楷行草更適逸有致

## 酌別呂江諸子

瓠落吾何用蹉跎付積薪獨憐萍梗聚五見荔支新山水娛遊子文章愧古人清貧無不可黑髮白綸巾  
清遠峽

烏道枕長河籃輿渡薜蘿野蜂巢廢塚饑雀啄枯禾村市炊煙少山城瘴雨多青楓丹欲盡客鬢近如何  
別林工宰

日落大湖濱扁舟一問津山川舊遊地風雨獨行人枹鼓村墟急徵求澤國貧荒年兼薄俗白髮尙謀身  
別沈茂陵南還入都有約重遊

邱壑吾將老。肝腸君可憐。書籤聊假日。藥裹動經年。世路艱虞裏。交情涕淚邊。長途春草綠。臨別卻悽然。

秋思

南國微霜冷。菱荷洞庭木。落水生波。湘靈月下怨。瑤瑟山鬼風前衣。女蘿青鳥飛。飛空碧海黃姑。眇眇隔銀河。流雲一夕生涼翠。欲採蘋花奈晚何。

吳馴一首

馴字□□新會人。天啓辛酉舉人。

村居

園林綠水簇琅玕。夜色蕭蕭滿石闌。睡足暑銷楠瘦几。髮疏涼到竹皮冠。短筇長鑿閒生計。老菊衰蘭舊歲寒。日日雞豚養村社。酒杯常得小團圓。一作張費詩。

文震孟二首

震孟字文起。長州人。待詔徵明曾孫。天啓壬戌第一人。及第授修撰。以言事貶秩。調外。斥爲民。崇禎初。起侍讀。歷中允。諭德。庶子。少詹事。擢禮部侍郎。兼東閣大學士。參預政務。尋落職。閒住。卒。詔復故官。贈禮部尙書。福王時。追諡文肅。有藥圃詩藁。

徐枋居易堂集。文公每侍講。烈皇嘗目迎而送之。講筵多忌諱。置春秋弗講。時上命輔臣選春秋專經者進講。首輔溫體仁故

以春秋起家而講臣中則公以春秋名天下烏程忤幾見阨久之始進講至宰嚭歸闕凶禮當缺上命補牘公乃言嚭以六卿之長而壞法亂紀自王朝始焉用彼相烏程衡之既入相以公爭言官許譽卿不當削即露章入告詆公爲指斥以次輔何公吾嚭持正不傳遂并斥之柄鑿一言并罷兩相卽擅政如分宜江陵未之有也

秦林雜俎經筵對御案設几列講章其上講官易爲口直講從御案傍數陳卽自撰講章也蓋講章先期呈閣臣閱定中書舍人錄置御前往時講官第闡本義未規數語不繁引也崇禎時好衍時事輒千百言如豫章禮部右侍郎羅喻義講尙書布昭聖武泛引國朝三大營志烏程屢刪之不受忤去錢塞菴曰講官致規不過篇末今累牘連章烏程坐是與詞林不協予所見講官文湛持倪鴻寶學問該洽聲容閑雅真其選也姚孟嘗次之姜箴勝有儀度其學不逮姜燕及氣粗許石門語完

### 題漱松堂

禪關窈窕鎖煙霞時有松風漱齒牙翠蓋亭亭懸物外清陰密密蔭溪涯濤聲入戶偏隨枕香粉沾衣是雨花茂苑於今成鹿苑何妨竟日演三車

### 田家

土牆茅屋幽棲修竹疏花滿隄彭澤人來送酒山陰客過留題

### 陳仁錫一首

仁錫字明卿長洲人天啓壬戌第二人及第授編修以忤魏忠賢削籍歸崇禎改元復故官歷中允諭德拜南國子祭酒福王時贈詹事諡文莊有無夢園集四十卷

百城煙水無夢園陳太史芝臺別墅其自署齋聯云流水之間心自得浮雲以外夢俱無中有息浪見龍峰諸勝

靜志居詩話。吳中甲第之盛。前數嘉靖壬戌。申文定。王文肅。同郡人。後則天啟壬戌。文文肅。陳文莊。同縣人。兩公皆老於公車。晚始登第。文莊以不肯撰魏璫鐵券文落職。可謂不負科名。

贈袁重其

孝哉袁子。弱冠形癯。室既如罄。甕亦無儲。以硯作田。以管作鋤。朝種暮割。一米一珠。背負手炊。時慰倚閭。歲宴相過。雪滿吾廬。豈惜呵凍。喜爲爾書。

蔣德璟二首

德璟。字若椰。一字八公。晉江人。天啓壬戌進士。選庶吉士。授編修。歷侍講。諭德。庶子。少詹。拜禮部侍郎。進本部尙書。兼東閣大學士。參預機務。加太子少保。甲申三月。忤帝意。辭朝。移虜外城。亡去。福王時。召入閣。固辭。唐王立。再召。以足疾辭歸。病卒。有敬日草二卷。

漳浦集。僕始創爲詩篇法。大則十餘。小則數首。以錯綜事物。酌於情理。今古之間。其流連風月。泛濫觴綵者。概不得與。惟吾鄉蔣八公。獨信其說。此道關才關識。才識又生於學。而嚴滄浪以爲詩有別才。非關學也。此真警說。以欺誑天下後生。歸於白戰。打油釘鉸而已。八公云。必欲登峰造嶺。刊皮抉髓。則人不數章。章不數句。安得盡如烝民。大東。而後得其正變乎。僕亦深以爲然。

東南嶠外詩話。公於國計最精。凡九邊十六鎮兵食之數。及屯鹽民運。漕糧馬價。無不了然於胸。吾鄉先哲。自馬恭敏外。未見其匹。而朱竹垞但稱其典禮治歷。條奏詳明。此與周延儒薦公文章華瞻何異。亦淺之乎。知公者矣。十五國風高言集。董蒼水曰。爲詩者雖繪不難。而難於自然。自然之中。僞味出焉。此先生之詩乎。

舟過海珠

初日浮波似鏡中。捲簾樹色繞珠宮。僊人鮑葛知何在。應在菖蒲碧澗東。

雷州上元竹枝詞

花期常似春三月。海錯未輸值一錢。十斛板榔田萬頃。徑來陸地作神仙。

郭都賢一首

都賢字天門。益陽人。天啓壬戌進士。除行人。遷吏部主事。歷員外郎中。出爲四川參議。遷江西副使。以右僉都御史巡撫江西。福王時。拜南京操江。桂王立。以兵部尙書召。俱不赴。入國朝。削髮爲僧。號頑石。又號些庵。以詩累死。江陵承天寺。有衡嶽集。止庵集。湘恨。秋聲吟等集。

陶汝齋謁玉堂集。共公以故老流離。瞻懷宗社。所作詩文。居然得九歌之遺。

沅湘耆德集。先生負經世才。思匡屯難。及遭時多故。知事不可爲。銷聲晦迹。至於祝髮空門。流離轉徙。客死荒寺。故國之戚。一飯不忘。遠則鄭憶翁。謝皋羽。近則葉庵。青原。晦山。大錯諸公。心事一轍。先生詩。雄篇鉅章。往往凌厲。一世矢口成音。聞之蘊藉。倪文正公所云。愛他風骨耐他粗。良非虛語。

錦湖早發

曉月樹猶白。放舟身與輕。日長添午夢。蘆暗東江聲。雲影天在水。郵籤浪是程。錦湖深幾許。得似送余情。

文安之一首

安之字汝止。夷陵人。天啓壬戌進士。改庶吉士。授檢討。遷南司業。就遷祭酒。削籍歸。福王時起廢事。唐王立。召拜禮部尙書。皆不赴。桂王立。拜東閣大學士。加太子太保。兼吏兵二部尙書。總督川湖諸處軍務。爲孫可望所阨。桂王入緬甸。鬱鬱而卒。有鐵菴集。

山居漫興

斜陽倒影上莓苔。烏鳥相呼客未來。怪石但逢閒處有。好花剛揀勝時開。關山曉角猶悲壯。鞏洛名城半草萊。欲寄牢騷愁函莽。暗中搗鼓作輕雷。

馮元颯一首

元颯字爾敬。慈溪人。天啓壬戌進士。除澄海知縣。改揭揚。擢戶科給事中。歷禮科。刑科。遷太常少卿。歷南太僕卿。通政使。召拜兵部侍郎。進尙書。

首善書院感舊作

維貞皇帝神授符。詔出明光徵大儒。有臣元標首應詔。誰竝進者臣從吾。一時諸儒相繼入。王道蕩蕩民所趨。貞皇雖逝嗣皇少。譬之日出時未晡。諸儒謂可睹上治。力崇正學開榛蕪。請爲天子建書院。揭以首善天之衢。漢唐宋代何足數。升堂入室泗與洙。當使亂臣賊子懼。如陸有軌水有桴。豈無贗鼎相錯列。能由是路亦吾徒。越歲壬戌策進士。臣颯蒙與諸臣俱。二十爲學志方壯。晨起盥漱遊修塗。少焉諸儒次第



入鳴鐘擊鼓聲鐔于衣冠肅對寂未語森若披古賢聖徒儒者甯盡闔世務憂天往往多訐謔乃知名教自足樂照耀萬古焉可誣彼譖人者亦太甚曰宋之敗由程朱封疆在今多事日褻衣博帶何其迂輔臣向高爲此懼手自伏疏陳青蒲誰爲此言告陛下當付之吏法當誅天子寬仁置勿問忍見白日舞妖狐嗚呼諸儒死不恨宣尼粟主誠何辜乙丙之際不可說故老欲哭徒嗟吁丁卯八月聖人出讒者慄慄憂頭顱臣颯再入問書院門外細草翔嘯烏聖人豈不重經術時危未暇陳蒼瑚竊見京師富梵室口語以喞拜以膜亦有高閣祀天主譚兵治歷喧齟壺獨使書院屏勿事臣颯敢復惜微軀卿雲縵縵天子都諸儒靈爽應未徂大道經天終有孚幸甚爲念臣區區此詩從詩綜改本

劉侗帝京景物略都門講學始善書院起天啟二年十一月闕月二十至天啟四年六月罷講罷遂主講者都察院都御史古水鄒先生元標副都御史三原馮先生從吾兩先生萬歷初各以建言子杖去里居講學四十年泰昌初徵入京尋總副壺憲公暇輒會講城隍廟百子堂自紳衿氓隸聽者數百人始議建書院寬武門內城下御史周公宗建董之講堂三楹後堂三楹供先聖陳經史典律院碑一大學士葉公向高文禮部尙書董公其昌書也講未幾崔魏盛黨禍深御史倪文煥等詆爲僞學斥逐請碎其碑有疏曰聚不三不四之人說不痛不癢之話作不深不淺之掛噉不冷不熱之餅乃碎其石於門外費先聖主焚棄經史典律於堂中院且折矣會今上改元倪等伏法院遂以存後禮部尙書徐公光啟率西洋人湯如望等借院修歷暫署曰歷局

靜志居詩話徐宮保光啟借院修歷久之西洋人踞其中更爲天主堂至今不改馮公是詩毋忝詩史

### 蕭士瑋五首

士諱字伯玉吉安泰和人天啓壬戌進士除行人謫光祿典簿遷南大理評事就遷禮部主事改吏部歷員外郎中福王時遷光祿少卿拜太常卿移疾歸有春浮園集

有學集伯玉詩體氣清拔取法涪州今體偶然與放翁合

李元鼎石園集伯玉惜墨如金未嘗輒下一字以故著述精而不博

田按伯玉論詩取律細格老故不輕落筆力矯王李之弊時入尖新與公安同趣其獨到之處瘦削清冷儼然宋人佳境

### 贈蘊公

亦習毘尼戒偏饒物外情攢眉入白社沽酒破愁城疏柳低殘月流螢照定僧焚香深夜坐靜對長靈明

### 初夏幽居

爲愛松風偶結廬日長山靜閉門初柳眠水滿低過舫梅潤天陰浸及書竹聘夫人沾體滑葛裁野老稱身如雨餘土溽肥新甲荷鋤相隨小摘蔬

### 園居二首

偶然謫墮向人間博得清閒任福慳輒飽經行時宴坐醉餘睡起一登山壯心無賴隨年減幽事相關到老頑茆屋數椽深竹裏湖光澹宕樹灣環

南湖遙與北菴連纔下籃輿便上船得計學閒先學懶無才爲鬼可爲仙因精茗事泉能細誤翦鄰樊山

放全歸晚斷橋逢野衲。清言共爾亦妨禪。

蕭齋讀楞伽

翳然水木湛清華。高寄蕭條處士家。課罷楞伽無個事。閒窗小立嗅梅花。

金肇元一首

肇元字木公。一字司杓。東陽人。天啓壬戌進士。除徽州推官。入爲工部主事。改兵部。遷員外郎。出爲江西參議。進副使。遷福建參政。有陽春館集。

遊水竹塢

秋光出郭好。此地有叢林。陟岫雲生足。穿松翠染襟。茅龕天竺佛。梵唄海潮音。蒼藟知留客。氤氳谷口深。

倪嘉慶一首

嘉慶字篤之。江甯人。天啓壬戌進士。除戶部主事。遷員外。以事繫獄。放歸。起吏部員外。遷戶科給事中。甲申後爲僧名函潛。又名大然。字笑峰。有靈潭集。

靜志居詩話。倪公治賦之才。崇禎戊辰在樞部。上言國計入不敷出。歲額缺至二百三十餘萬。何以支持。其言瞭若指掌。假令思陵此時聽公之言。綢繆區畫。則後此雖有水旱盜賊。尙可緩於危亡。而惜乎不見納也。旣而兵科給事中劉徽疏請裁驛遞。有旨裁十之三。省郵傳銀六十萬。公獨昌言曰。驛遞之設。貧民不能自食者賴之。裁之太過。將鉅而走險。此盜生之源也。俄而李自成果以驛卒被裁。走入高迎祥隊中。後遂以亡明。朝野咸服公慮之遠云。

遠客

淒風吹遠客。極目盡蕭森。山閣含秋氣。江城起暮陰。天晴空翠隱。日薄瘦寒侵。漫把他時淚。孤舟繫此心。

黃宗昌二首

宗昌字長倩。卽墨人。天啓壬戌進士。除雄縣知縣。改清苑。徵授山西道御史。有恆山游草。於斯堂集。

全楚臣 憇寒汀館中見鍛羽雁賦詩傷之

雲中自可羨。籬下亦無妨。物化齊溟滓。鱗潛等羽翔。甯須假六翮。刷羽凌八荒。所以蝸與鷲。欣然拾榆枋。

故園

新葺茅齋木板扉。尋常高臥到斜暉。遙憐舊植青桐樹。久貯清陰待我歸。

喬可聘一首

可聘字君徵。一字聖任。寶應人。天啓壬戌進士。除中書舍人。遷河南道御史。有醉陶齋詩。

生日

病骨殘生付冷煙。掩扉蕭寂子雲玄。山中日月無心記。開到黃花又一年。

何萬化一首

萬化字宗元。上海人。天啓壬戌進士。授南兵部主事。歷員外郎中。改禮部。出爲福建副使。進參政。擢廣東按察使。不赴。

靜志居詩話。宗元仕閩。爲制府畫策。平劉香。入楚。同諸君協力擒張普。是亦開濟之才。不徒以雕篆見長者。

### 遊玉華洞

奇物有萬族。誰羅一穴中。造化作兒戲。巨靈殫鬼工。赤松厭雕刻。白鶴返洪濛。千載此人去。寥寥洞府空。

### 梁元柱一首

元柱字仲玉。廣州順德人。天啓壬戌進士。選庶吉士。改陝西道御史。以劾魏忠賢削職。崇禎初起。福建道御史。以憂歸。起陝西參議。未上卒。有偶然堂集。

### 送人從軍榆關

少年負俠骨。悲歌志不平。偶探黃石卷。欲赴白登城。錦瑟壘頭醉。雕戈馬上橫。功成報天子。當作魯書生。

### 姚孫築一首

孫築字心甫。桐城人。天啓壬戌進士。除龍遊知縣。改晉江。擢江西道御史。謫上林典簿。遷吏部主事。歷員外郎中。出爲福建□□。改尙寶卿。有石嶺集。

### 車中漫紀

稍覺霜威解。郊原靜不風。平蕪嘶倦馬。古戍掠征鴻。帆影寒流外。人煙落照中。徐滕雖異壤。艱食恐相同。

齊心孝一首

心孝字君求。桐城人。天啓壬戌進士。選庶吉士。授編修。

宿益堂

閒邀明月過仙家。網戶沈沈暗碧紗。去日濃陰渾不改。可憐新發斷腸花。

王鳴玉一首

鳴玉字六瑞。竟陵人。天啓壬戌進士。歷給事中。出爲陝西參政。有環草。

韋公寺

左安門外繞長汀。畏友頻邀過水亭。一片塵羞溪面照。十分酒入客脾醒。荷含秋意多相向。蟬作鄉音乍可聽。花落燈殘鐘定後。今宵旅夢各惺惺。

秦壩五首

壩字器新。無錫人。天啓壬戌進士。除澤州知州。改福甯。擢戶部員外。有靜遠堂集。

柄隱園十景錄五

溪上架層樓。登樓遊畫裏。陰晴朝暮間。與山俱臥起。溪山樓

曲曲疏籬轉。寒林別有春。孤吟時索笑。不見詠花人。香雪林

日日對青山。青山看不足。東風何處來。又皺平疇綠。青未了闌

名取酈生注。山川若綺分。登臺欲有望。青山多白雲。綺望臺

繞廬碧一灣。濯纓者誰子。望望青山近。桃花自流水。滿碧廊

### 黃景昉五首

景昉字太穉。晉江人。天啓乙丑進士。改庶吉士。授編修。歷中允。諭德。庶子。少詹。進詹事。擢禮部尚書。兼東閣大學士。參預機務。加太子少保。改戶部尚書。進文淵閣大學士。引歸。唐王時起原官。復告歸。國變後。家居十餘年。卒。有甌安館集三十卷。

國史唯疑。文皇求張。三丰愈切。而張愈固。自匿。學道宜乘宿根。秦皇漢武空囊囊。滿足。况別有所假借求之乎。卽復參嶺輝煌。何足動神仙一盼。予嘗過之。詩云。金碧剛初願。龍池動殺機。當年方外客。也護首陽薇。頗自淡中。

十五國風高言集。田鬻淵曰。東厓先生詩。取境不一軌。選材不一家。曾讀其戊子六月五日紀事詩。後之尙論者。并可以原先生之心事矣。

靜志居詩話。相君務去陳言。專尙新警。其近體尤雕繪。如侍楚王宴云。隆準衣冠高帝後。夥頤宮闕大江濱。登太和絕頂云。天野星躔包兩戒。國朝嶽瀆視三公。南臺燕集云。仙家閔苑琉璃浦。禹貢揚州篠簜田。贈友云。少從魯國稱男子。家近茅山得異人。壽樊叟云。公餘釋子燒松液。酒半村官舞蔗竿。集北郭草堂云。誰邀玉佩神仙客。自唱清歌菩薩蠻。答友云。枚叔賦遊梁上。

苑。伏生奮靈漢西京。寄友云。以吾一日長乎爾。如此三星樂者何。要不作滄鬢語。

龍性堂詩話。東厓先生當華代時。有感懷韻詩八十二首。申如有淚銅人甘戀漢。無情玉馬苦朝周。鬢尊醉益看花感。絃管淒  
增落葉哀。元亮詩成題甲子。伯仁宴罷泣山河。春去尙憐望帝魂。信來誰答子卿書。雁橫塞北昭君恨。花發江南庾信哀。嗚鳥  
也知亡國恨。汗牛空信古人書。達官虛負白馬恨。狂客實含朱鳥哀。枯魚此日將書至。旅雁何年繫帛回。哀聲險韻不堪多讀。  
和敬堂集。追維辛巳壬午時。沸如蝸蟻。天子疑於上。黨與成乎下。溫陵二相。同日入政府。當遇蒼之時。正人獲罪。如石齋公。禍  
幾難測。東厓先生。經筵申救。必濟而後已。於是。不自安。不旋踵謝歸。所留連往復於本朝之故。一切寄意於單詞寸牘。名曰  
國史唯疑。其文約。其旨該。顧甚惜。不以示人。獨留其副於高雲客氏。雲客公之高足弟子也。滄桑之後。雲客以授林同人。吉人  
兄弟。同人又授鄭公允。幾亭及子。於是三山始有鈔本。凡四家。先是公林居。余小子曾趨侍。甌安館累晨夕。貽詩有聲名。轉大  
憂方始。文網多繁。步未安之語。蓋猶有疊山對客之恨焉。顧光以來。更歷三十餘載。山川如故。夢若隔塵。手捧遺編。撫膺洒涕。  
榕城詩話。晉江黃太極景昉。天啟進士。後登槐鼎。著有甌安館詩及鹿鳩詠。其自序云。徒以身叨榮從。出言有章。意欲斟酌情  
文。謬附於昔人和合朝野之誼。此言可以爲館閣言詩之法。

田按。太穉博通當代掌故。所著國史唯疑。持論具有條理。爰立如此。可謂得人。乃不久而罷。思陵之不足與有爲。可知矣。甌安  
館詩。取法晚唐。輕俊鮮妍。於閩人成派。別開生面。

題李孝伯花隱別業

巷避車窮處。誰期宛委通。入門驚竹翠。隨地見花紅。白壁邗關使。青樽綺里翁。酒行觴政肅。知未損家風。  
立秋日同傅子訓。士何稱。林爲盤。郭闌生。穿蓮東湖分得蓮字。



曲水旁城好放顛。荷香十里葉田田。爲驚鳥夢停歌扇。故拂花鬢落酒船。詩思清如秋乍起。湖光雅與客相憐。紅裙白紵尋常唱。我愛峯頭玉井蓮。

武林宿昭慶寺

宋家宮殿佛爲壇。廊下波斯十字欄。薄暮青絲邀客醉。重湖白紵映人寒。暑逢再閏涼非遠。歸及中途夢未安。仍被信來催轡發。許多幽壑不曾看。

同李曉湘給諫過郭仲常吉士宅分賦

閩山潮海未殊鄉。密坐深杯況夜長。莫怪市聲催鬻築。同將風景憶檳榔。吹笙緱嶺神仙相。烙馬黃門羽獵裝。君自投驍稱絕技。滑稽誰更似東方。

邢州詢李于鱗先生遺蹟

先朝西署盛風流。白雪縱橫不待秋。三輔年年驅五馬。只今人說李邢州。

何楷一首

楷字元子。漳州鎮海衛人。天啓乙丑進士。崇禎初授戶部主事。歷員外。改刑科給事中。屢遷工部給事中。以劾楊嗣昌忤旨。左遷南國子監丞。福王時擢戶部侍郎。唐王立。進戶部尙書。

田按元子立朝。嶽嶽懷方。尤邃於經學。惜詩不多見。

吳門與諸子夜集賦呈辟疆社兄

乘槎渾未倦。載酒喜相過。玄探圖前易。情生別後歌。雨聲侵棹冷。香燼拂杯多。積想聊堪豁。分襟復奈何。

孫晉一首

晉字明卿。桐城人。天啓乙丑進士。除將樂知縣。擢給事中。歷大理卿。以□□總督宣大。有黃山遊草。

再宿南陽

二月水漫漫。無端春色闌。深杯嫌夜短。久客怯衣單。未見干戈滿。誰知道路難。憂時多少淚。不敢向人彈。

熊開元一首

開元字玄年。嘉魚人。天啓乙丑進士。除崇明知縣。改吳江。徵授吏科給事中。貶二秩。調外。起山西按察司照磨。歷光祿監事。遷行人司副。以言事廷杖。削籍遣戍。福王時。起吏科給事中。不赴。唐王立。起工科給事中。擢太常卿。左僉都御史。隨征東閣大學士。汀州破。棄家爲僧。名正志。字檠菴。有華山紀勝集。

靜志居詩話。魚山欲劾宜興。適思陵許奏事。於弘政門召對。及入見。宜興侍側。因言軍事而出。既而召見德政殿。輔臣亦入。乃言曰。易傳有云。君不密則失臣。臣不密則失身。臣所云。願輔臣暫退。思陵諭曰。輔臣管密勿。熊開元前所奏。卿等皆與聞。可以不退。是日。不敢盡言。思陵命草疏入。仍有茶果餅餌之賜。迨疏入。遂被收。思陵怒且不測矣。會姜公如農疏。有皇上何所見而

云然乎等語。怒益甚。兩公受杖之苦。用刑之慘。其不死者幸也。爰書既上。思陵一曰。讒譖輔弼。再曰。讒譖陰狡。三曰。謗毀狹肆。人皆疑思陵曲護宜興。獨尹樞部宣子謂思陵時已志宜興。命魚山具疏者。度必列款。欲據之。便按問。及見疏。乃曰。如此不痛不癢。思兩邊做好人。邪。蓋實怒其不力。參而反以誹謗大臣爲罪。非思陵本意也。斯言得之。

### 吳門與金正希夜哭

碧血何曾灑。丹心不可砭。誰人呼馬角。與子泣龍髯。半壁留吳越。羣奸布網箝。吾將披髮去。長向海山潛。

### 陸澄原一首

澄原字嗣端。平湖人。天啓乙丑進士。除工部主事。遷員外。謫順天照磨。歷大理寺副。遷兵部員外。被察閒住。有芝房集。

櫛李詩繫嗣端爲詩。秀逸尖新。雕香刻翠。有佛宥自喜之致。

### 寄王修微

女兒溪淺亦生紋。巾子峰低也出雲。水定山空何處所。合歡花底拜茅君。

### 郭紹儀一首

紹儀字汾仲。一字丹葵。平湖人。天啓乙丑進士。除當塗知縣。擢南湖廣道御史。有青蒲草。

### 擬郭弘農遊仙詩

弱齡寡塵累。燕想出殊廷。手翦碧桐葉。好寫烏跡經。束髮理冠劍。歎息勞我形。每思凌景風。駕彼朱鶴翎。

玉妃名婉羅。翡翠列雲屏。贈我刻竹杖。飲我瓊綠醞。養生不愛道。毋乃非仙靈。

陸錫明一首

錫明字幼輿。平湖人。天啓乙丑進士。除工部主事。遷員外。出爲常州知府。改徽州。遷江西副使。

郡齋坐雪

招飲今堪詠。吾將問澤蘭。美人不知處。蕭瑟耐春寒。風杵春雲腳。花發碾月團。翻疑山郡裏。儼以似袁安。

劉在朝六首

在朝字廣乘。監利人。天啓乙丑進士。除福清知縣。徵授戶部主事。歷員外郎中。出爲易州兵備副使。有蘭心堂。喚蜨齋等集。

田按。廣乘詩。取意幽婉。雖爲鍾譚所染。亦彼法之錚錚者。

聞雞有懷

鐘澀知霜滿。雞頻省曙分。天開夜旦。佛業現聲聞。落葉埽殘夢。寒衾思早曛。不知湖上覺。猶戀幾峯雲。

客去

客去自成睡。村幽天屢陰。湖風吹夢闕。茅屋受秋深。裝薄居頻換。衣單寒轉侵。故人在天末。撼撼想遙音。村居風雪。畏齋先生老病遠顧。留宿祇園。賦贈。

茆屋雨聲近中宵風更號。愁君同瘦鶴。無友贈綈袍。梵唄了今夕。瘖聾薄雅騷。蕭然禪榻畔。塵夢付霜毫。

花朝日有感

花事負朝旭。那因典舊衫。柳風春不度。浦霧午猶啣。久客慚歸鳥。閒行數去帆。無家栖燕子。沙際語呢喃。

甲申除日

詎忍言除日。君親諱所臨。色開鍾阜迴。淚灑鼎湖深。一壑謀昕夕。三朝愧履簪。祝年同野老。敢後草臣心。

秋泛

蓼花兩岸映波紅。短葦輕橈夕照中。不信綠楊憔悴畔。更無顏色領春風。

黃文煥一首

文煥字維章。一字坤五。永福人。天啓乙丑進士。除海陽知縣。改番禺。山陽。召試。擢編修。以事下獄。釋歸。有赭留集。

福建通志。黃道周以論楊嗣昌。陳新甲得罪逮問。詞連文煥。遂同下詔獄。獄中箋注楚詞。禮直八卷。陶詩析義二卷。既釋。賦乞身歸里。別道周詩云。自聞鉤黨獨行憂。痛哭批麟淚未休。欲格君心甘灑血。不教漢祚付清流。雷霆怒盡天回笑。生死移時我掉頭。今日全軀同去國。莫將厨俊傲林邱。

和俞邵弟白秋海棠

癖畏陽驕暑氣侵。尋常棲止擇多陰。近來別有迴天力。占得飛霜早滿襟。

李模一首

模字子木。太倉州人。天啓乙丑進士。除東莞知縣。徵授御史。以忤閣譴。南國子典籍。福王時起御史。有碧幢集。

百城煙水。密菴舊築在閭門後板廠。爲李侍御灌溪宅。後園內有桃鵝草堂及芥閣諸勝。

徐枋居易堂集。昔宋室旣亡。故相家鉉翁隱居教授。不涉世事。十有九年而逝。史稱爲宋遺臣。前侍御李灌溪先生。遭世變。潛節固守。確乎不拔。自鼎革時。年未五十。乃自五十而六十七十八十。守益固。節益高。三十餘年如一日。嶢然不滓。聿稱完人。史册所希有也。

初埽密菴舊築

昔日深深意。今依幻住身。蓬蒿迷若醒。竹柏故猶新。小得蜘蛛隱。居惟鐘磬鄰。埽苔迎古佛。竺國備遺民。

賀鼎二首

鼎字公調。丹陽人。天啓乙丑進士。除尉氏知縣。改永城。武康人。爲兵部郎中。累遷山西參政。

讀孟東野集

寒香嚼彌出。標格何清孤。冰雪空山裏。吟魂或可呼。

塞上曲

河冰初泮春風多。沙深水急流成渦。中有老冰不可觸。行人相喚無渡河。

區懷瑞二首

懷瑞字啓圖高明人太僕丞大相子天啓丁卯舉人除當陽知縣改平山有趨庭游燕游滌諸草  
廣東新語區太史海目有子啟圖論詩云國朝之詞章自北地以還歷下繼之盛於嘉隆而卽衰於嘉隆其病在參大而本  
之性情率意獨創而不師古啟圖能承家學與李煙客羅季作歐子建鄭湛若四五公者唱和其雄才絕力皆競競先正典型  
弗敢阻越絕不爲新聲野體

初至玉陽

踐玉作名城乃介荆郢間西稱湯沐邑北列价人藩蠶叢復東路設險抗雲關宰牧苦郵傳束帶無時間  
晨起理訟牒日盱不得還臞瘁道固然甯有冰雪顏撫茲鋒鏑餘徒思物力殫頽垣隱草莽暴骨如邱山  
何事豺虎噪四郊行且艱

雨後待寇信

吸屹孤城夜淒迷風雨心輕師偵未返重地寇能深遠火多颯舉高奮遂陸沈吹笳知未散橫槊愧長吟

黃光一首

光字若木莆田人天啓丁卯舉人官來安知縣有十一洲詩草

蘭陔詩話若木工駢體文奇篇麗句枕藉齊梁

溫陵旅宿

寒夜一何長。鳴雞催不曙。  
秣馬促晨炊。暗逐霜光去。



# 明詩紀事卷十九

## 辛籤

### 呂大器四首

大器字儼若。遂甯人。崇禎戊辰進士。除行人。擢吏部主事。假歸。以守城功增秩一等。出爲關南道參議。遷固原副使。擢右僉都御史。巡撫甘肅。拜兵部添注侍郎。兼右僉都御史。總督保定山東河北軍務。改江西湖廣應天安慶總督。再改南兵部侍郎。福王時。遷吏部侍郎。以事削籍。唐王立。召拜兵部尙書。兼東閣大學士。桂王立。以原官兼兵部事。進少傅。督江南諸軍。贈太保。諡文肅。有東川詩集。塞上草。

黎士宏仁恕堂筆記。閣部呂公大器。丙戌。隆武稱號福州。公亦入閩。見時事不可爲。遂辭去。至臨汀。予得見之。每一談時事。言與淚俱。其贈予詩。有細雨霏霏已浹旬。豈疑天日久沈淪。又曰。會看君文成鳳彩。漫云我技已龍馴。感慨之旨可見。時有以口舌得官者。唐屬公薦拔。卽貴顯。十及門終不一見。行李半肩。扁舟東下。予送之河干。執手太息曰。異日相逢。想是麻衣草履矣。揮淚哽咽。不能出聲。風規舉止。真大臣也。

靜志居詩話。呂公驅馳南北。盡瘁行間。五言如野寺依巖立。官銜傍水開。孤燈寒殿壁。落日映山城。精衛悲銜石。鷓鴣嘯滿山。雲煙春尚在。烽火晝相連。淚盡銅駝棘。歌殘玉樹花。豈無丹闕戀。終抱白雲思。忠孝之誠。溢於言表。

詩觀初集東川詩思精而語麗

李調元蜀雅文肅詩音旨淒壯逼似少陵

泊略陽下灘

祇爭一帶水。尙枕小溪眠。漁火穿江出。村烽帶月傳。孤城還屹爾。白叟半蕭然。回憶垂陰處。森森俯大川。

蘧江

孤身行萬里。驛路怯星軺。樹密煙村小。沙平水岸遙。野狐衝馬立。山鬼向人驕。漸喜南州地。猶看聚晚潮。

雪山

光搖旌旆五涼平。天外羣峰玉削成。瀚海欲空青見月。燕支未染白如瓊。飛鴻已度長城窟。勒馬還歌出塞行。朱夏重裘猶不解。崆峒倚劍白崢嶸。

靖邊作

鳴沙萬里憶芙蓉。午夢猶酣客思慵。戊卒秋新思飲馬。將軍歲久不傳烽。停車無計綢繆戶。乘傳頻勞進午饔。獨坐帳中驚白髮。何堪砌下響秋蛩。

高斗樞二首

斗樞字象先。鄞人。崇禎戊辰進士。授刑部主事。以事下獄。旋復官。進員外。出爲荊州知府。遷湖廣

副使歷參政。進按察使。守鄖陽。加太僕卿。以右僉都御史巡撫漢中。未赴。福王立。進右副都御史。改撫湖廣。道阻不得往。國變後歸家卒。有蚤甕集十六卷。

全祖望續甬上書齋集。高公守城之暇。橫槊賦詩。不減劉越石一流。

壬午臘日與李賊大戰。三日夜。賊退。賦示羣僚。

刺閨傳警息。登堞下軍符。前隊靈鈔舉。雙甄曠騎驅。摧鋒奪巨纛。摩壘馘封狐。午夜繼休甲。遙聞幕上烏。萬騎指孤城。腰間寶劍鳴。乘風飛羽箭。帶雪引霓旌。旛動朝酣陣。枚啣夜襲營。凱旋笳吹滿。梅柳正相迎。

于穎一首

穎字長公。金壇人。崇禎戊辰進士。除工部主事。歷員外。出爲西安知府。以事削籍。起工部郎中。出知順德府。改紹興。遷浙江按察副使。

偕無殊過虎邱。遇雙白出新茗次韻。

爲赴尊前約。乘流漾淺沙。新晴開疊嶂。積雨賸疏花。坐覺班荆久。行看落照斜。登臨興未盡。還乞遠公茶。

周鑑一首

鑑字仲馭。金壇人。崇禎戊辰進士。除南戶部主事。改禮部。以言事斥爲民。起原官。進郎中。旋罷歸。福王立。以阮大鍼構陷。逮治。賜自盡。有十四哀詩。

陳鼎東林列傳。福王立。馬士英當國。特薦起從逆賊臣阮大鍼。大鍼素惡東林諸賢。作正續螳螂錄。有十八羅漢。五十三參善才童子。七十二賢聖菩薩。又蠅蝻錄。有八十八活佛。三百六十五天王。五百尊阿羅漢。共千有餘人。皆海內賢良。欲盡殺之。以空天下。遂首逮周鏢及雷縉祚下獄。矯旨賜死。

陳貞慧書事。崇禎戊寅。吳次尾有留都防亂一揭。公討阮大鍼。大鍼以黨崔魏論城旦。罪暴於天下。其時氣魄。尙能奔走四方。上。次尾憤其附逆也。而鳴騶坐輿。偃蹇如故。士大夫趨避爭寄腹。以爲良心道喪。言於顧子方臬。子方曰。果也不惜斧鑕。爲南都除此大慙。兩人先後過余。言所以。余曰。鍼罪無庸揭。士大夫與交通者。雖未盡不肖。特未有逆案三字提醒之。使一點破。如贅癭蠶潤。爭思決之爲快。次尾燈下削一蠟。子方毅然首唱。飛馳數函。毘陵爲張二無。金沙爲周仲馭。雲間爲陳臥子。吳門爲楊維斗。浙則二馮司馬。魏子一。上江左氏兄弟。方密之爾止。阮心此事。仲馭主之。而鍼以書來。書且哀。仲馭不敢視。就使者焚之。鍼銜之刻骨。揭發而南中始知有逆案三字。發出志語曰。逆某逆某。鍼氣阻。潛迹南門之牛首。向之裘馬馳突。廬兒崽子。焜燿通衢。一比在在氣盡矣。甲甲弘光事起。鍼曰。此奇貨可居也。齎緣官兵部尙書。以迎立首謀福邸舊案。將盡殺天下。酬所不快。下周公鏢。雷公演祚於獄。發其端。時語所親曰。吾五六年來。三尺童子。見阮大鍼名姓。輒誓而唾者。非若若耶。若知有今日。以揭中最切齒者十人列之上。曰。此擁戴潞藩以圖不逞者。又造爲十八羅漢。七十二金剛之日。曰。此其羽翼者。如王紹徽。點將錄故事。以網殺之。貴陽馬相。曰。大事方定。如此人心不安。姑緩之。乙酉四月。左帥良玉。衷甲東下。意清君側。至九江。南都震恐。鍼以爲雷周所構。不除之。爲內應不已。詣貴陽。懸指。薄暮往語。至達旦。飛片紙賜死矣。

懷京口讀書示長人

三山草色十年寒。此日何當報酒闌。昨夜潮聲東去急。望江樓上有人看。

龔士驥八首

士驥字季良義烏人崇禎戊辰進士除溧水知縣

妻書季良詩精苦沈細

金華詩錄季良自謂其詩降格爭奇亦有玄勝起結往往微遜亦自知之而不肯措意改作故多以句勝七言如鳥外斷虹山寺雨浦邊斜燕石橋風炊煙隱樹遠邨草暝色渡江春浪深孤枕幾年愁暮笛一燈初夜隔春紗愁中草色偏嫌雨夢裏花枝獨背春五言如秋嶂宜寒月春林足緒風燕領差池雨花標次第春芳樹和風綠幽羅逼雨青樹納初晴日花爭欲盡春上者神秀次者幽婉皆一代之逸唱也

田按季良詩才絕麗崇禎時楚音靡靡此真軼塵之選

### 塞上曲

虜騎乘秋牧連營殺氣新隴雲朝出塞邊月夜歸秦白草金羈色黃沙鐵甲塵將軍猶蹴踘只領醉中春

### 過顧將軍

朱戶王孫弟青萍俠客家濃雲連斷岫急雨定飛花寶劍雙鸞舞金丸獨鳥斜夜窗飄細響知是教琵琶

### 春興四首

枕郭灘聲拂岸斜環江山色抱城賒門當流水鍾期調徑繞煙霞綺季家雙燕到春宜畫棟一鷺出曙隔深花閉關卽是棲真宅不用尋幽躡彩霞

女牆薜荔綠翻空靜室平開密樹中疏檻曲通花徑月小山幽背竹林風仙人洞壑藏松赤少婦篔簹倚

袖紅學道徵歌皆勝事。池臺未許習家同。

山擁錢塘翠作屏。浮圖高處有藏經。嘯花鳥亂迷秦隴。呪食僧閒漱晚汀。寒雨乍收江月黑。春潮欲上浦風腥。叩關乍解無生偈。不用臨流歎獨醒。

湖上千峯鎖翠微。兩隄新水澹忘歸。秦箏舊譜朱樓曲。楚客新裁綠芰衣。堞隱江雲時隱見。林藏海雨半依稀。何人駐屐攀蘿月。碧樹陰中半啓扉。

津亭

驛路明霜葉。津亭急浪花。不須悲遠道。只此是天涯。

秋閨

寒雨侵階欲暮秋。鐙沈月黑夜悠悠。更深獨背紗窗立。怕有疏螢點閣愁。

吳承燧一首

承燧字伯昭。莆田人。崇禎戊辰進士。除懷甯知縣。

楊柳枝詞

二月纖枝三月花。綠隄綠岸簇香車。紫騮慣識西陵路。直向高樓蘇小家。

曹荃一首

荃字元宰。無錫人。崇禎戊辰進士。除南刑部主事。歷郎中。出爲漳州知府。累遷福建副使。

山中獨行

山石太巉嶮。孤行疑鮑焦。疏鐘雲外聞。細草澗邊橋。立馬欲相問。前村去已遙。響霞飄忽影。碧落夜聞簫。

林銘球一首

銘球字紫濤。漳浦人。崇禎戊辰進士。官御史。有鐵厓集。

塢寺小樓和壁間韻

爲拾天中月。來分祇樹林。樓空冷梵語。塢靜冥伽音。一瓢雲足飯。半偈雨開心。得句秋初爽。鳴蛩入夜吟。

謝宗一首

宗字伯嶽。龍溪人。崇禎戊辰進士。累官山東參議。有許山遺稿。

瑄溪登舟寓張有民山房

小舟逼岸入山家。竹屋穹窿望遠沙。煙雨微茫揮淡墨。溪山混沌掃青霞。烹茶對客水爲活。酌酒談心天作涯。漁火黃昏紅一點。柴扉半掩落燈花。

姚思孝一首

思孝字永言。江都籍。歙人。崇禎戊辰進士。改庶吉士。授戶科給事中。改兵科。工科。謫江西布政司。

照磨遷南國子助教。歷太僕丞。光祿少卿。福王時。改大理少卿。後削髮爲僧。有康山草堂集。遊笥草。

詩觀二集。廷尉詩新。琢秀逸。

得吳梅村書卻寄

征邁今如昔。危瀾尙未平。莫嗟同輩盡。翻詫兩人生。筆怨曾焚草。書成好遁名。一瓢雖勺水。日月寄孤情。

詩觀二集。廷尉與宮詹同被徵召。而出處之際。有數存焉。此詩獨是昔年胸膈間語。

冒起宗一首

起宗字宗起。如皋人。崇禎戊辰進士。除行人。遷南吏部主事。歷郎中。出爲山東僉事。改廣東。湖廣。進參議。有得全堂集。七遊草。

望九華

昨夜南風送客舲。朝來池口雨冥冥。忽看天際飛濤白。失卻蓮花九朵青。

李奇玉一首

奇玉字元美。嘉善人。天啓壬戌會試中式。崇禎戊辰進士。除武學教授。歷國子博士。遷南工部主事。改兵部。歷員外郎中。出爲汝甯知府。有雪園遺稿。



閒居

柴桑深閉寂無譁。讀罷遺經靜煮茶。風雪滿庭黃葉落。冷香清韻在梅花。

薛案十一首

案。字諸孟。武進人。崇禎辛未進士。除武學教授。遷國子助教。再遷南刑部主事。歷郎中。出爲開封知府。晚爲僧。號米堆和尚。

尤侗良齋雜說。薛進士家嘗爲開封知府。亂後薙髮依山僧以居。自更其名曰米。玄墓有米堆山。因以自號。飲酒吟詩。伴狂以終。

卓氏祓園圖和詩十六章錄十一

卓氏祓園十六區。張君旣各爲圖。而楊龍友復寫此冊。張則亂頭粗服。龍章鳳姿。楊則雅人修士。楚楚焚香掃地時也。蓮句居士父子題詠足千古。而使予得廁其閒。願寶此園。更寶此圖。庶子得與裴迪俱不朽乎。

虎踞石城在。六朝何往哉。不如君先人。江干駕虎來。馭虎巖

鶴影夜臨滌。滌鱗亦起舞。老龍聽法罷。欲與胎仙語。鶴滌

君以蓮爲宮。鬢酌自寬廣。盍觀恆沙國。盡託錐刀上。蓮句

琉璃爲胸次。中復現五嶽。何忽自云無。無無乃真覺。無山堂  
生長笠澤旁。夢魂在其中。支雨欹箬冠。吾與樵青同。笠厂

昔聞景純言。凡山生於浪。亦有浪同生。巾裾骨肉相。沙山

唯俗不可醫。爲有醫俗意。我自田舍翁。桔槔昨已治。鋤月灣

潭爲有龍跡。警來或青鳥。不然卽麻姑。愛此爬背爪。呼龍鱗

已甘入林深。眼闌復如此。胡不任蒙茸。潑墨澄心紙。寒江樹

有一轆轤因。拾草立權喻。我以命聽藥。藥以命聽雨。藥草畦

吳越古湯社。請君爲署領。不知是何曹。但解日茗芋。茗柯坪

田按。祇園在石頭城清涼山下。卓左車之別業也。楊龍友爲作圖。董香光跋曰。祇園圖十六景。龍友爲無量居士作。昔盧鴻乙  
草堂圖。李公麟龍眠山莊圖。流傳世間。皆稱神品。鴻乙自有嵩山十志楚詞。而山莊圖題詠具蘇黃門集。五言絕句。頗類摩詰  
輞川詩。伯時獨以畫名。意當時必有首倡。但無傳耳。無量居士於此十六景。已有詩中畫。而龍友礮礮。氣韻生動。著意微茫。滅  
沒間。有鴻乙之蒼秀。伯時之幽邃。爲十六景傳神寫照。無復遺恨。如置身輞口。椒園鹿柴。居然王裝唱和勝情。信可傳也。

陳天定一首

天定字慧生。龍溪人。崇禎辛未進士。累官太常少卿。國變後爲僧。名圓慧。有慧山集。

大峰山佛祖岩

寺古多荒瓦。僧貧只薦茶。谷鳴千樹響。人定一香斜。鑑水形憐影。安心客是家。可將生滅理。悟取佛前花。

李世奇一首

世奇字亮先。漳浦人。崇禎辛未進士。選庶吉士。以母老歸。再召不起。加左庶子。有澹甯居草。暮年無歡。門多索字者。因用自悼。

焚硯拋書案滿埃。扣門便覺擾生涯。只應絹到留爲襪。聞道篇成欲覆醅。筆墨從人猶是累。文章媚世亦非才。小窗且適羲皇夢。莫遣奚僮報客來。

許豸一首

豸字玉斧。侯官人。崇禎辛未進士。除戶部主事。歷員外。出爲浙江僉事。進參議。有春及堂詩。

東南嶠外詩話。玉斧詩格調平穩。本朝甌香。月溪。鐵堂。雪村諸詩人。皆衍其門風。累世擅三絕之譽。

與張天如吳駿公楊維斗泛舟西湖

十里晴明嫩柳斜。同登孤棹賞春華。蒼茫野色餘殘靄。迴合山光到暮霞。曲岸驚風翻荇帶。平隄新水繡桃花。芳辰尋樂須拚醉。更向橋西覓酒家。

黎崇宣一首

崇宣字儒旬。番禺人。崇禎辛未進士。官廣德知州。有貽清集。

春別曲

春風一夜雨瀟瀟。曉來已滿春江潮。乘潮相送出江上。我但躊躇君獨往。渡口垂楊映綠波。隔浦茫茫煙霧多。望君不見將如何。

吳國琦一首

國琦字公良。桐城人。崇禎辛未進士。除漳州推官。改兵部主事。有水香閣懷茲堂集。

趙澱陽蒼漪閣

高亭敞木末。涼意與秋生。當戶一峯出。雙江夾月明。藤蘿封洞壑。河漢接檐楹。坐久絺衣薄。懷人已二更。

楊士聰四首

士聰字朝徹。濟甯州人。崇禎辛未進士。改庶吉士。授檢討。遷諭德。有靜遠堂集。

棗林雜俎。聊城進士白檀治園於臨清。鑿一石。致自章邱。頗幽麗。德州謝太宰陞求之不得。謝方典銓。補檀盧氏令。被寇死。濟甯楊士聰詩。與寄煙巒聊適意。福胎花甸杏歸魂。

田按。朝徹凶年四吟。如讀大東諸詩。可以告哀。

凶年四吟

累年皆赤地。無怪民窮蹙。釜飢既生塵。爨燼絕比屋。三旬鮮九食。餅空那得穀。漉槐收澀實。剝榆露槁木。

楊桐罄寒林草根殍。蓬谷已分作排精。長霄委濯。淫月怙。是才糾。同和。厚。其。以。多。節。  
尋常井閭中。每憂逢不若。小竊類螟螣。大奸乃鯨鱷。遠鎮既攻陷。近村恣驅掠。奮擒或抵罪。強撫先頒爵。  
脇膚黨日繁。狂騁力寧薄。生齒累百萬。狼藉就鋒鏑。何堪縱虎翼。乃至恬魚錢。徒薪空多算。誰肯受良藥。  
死寇

名將重威信。過師從枕席。平日少撫練。臨戎增嘆噴。賊燄既以熾。調發雜主客。強者太狎。弱者不任革。  
緣村掠民蓄。孰操自完策。貧民無立錐。更復遭奇阨。談笑借汝頭。聊以充斬馘。死兵  
殺運殄生人。輕細如蠓蟻。兵荒已半死。豈堪罹病孽。春來漸多疫。什九劇綿惛。蠢兇既草萎。良謹或蘭折。  
道路續新鬼。親屬累死別。貧民無棺斂。委棄空痛結。橫屍陳道衢。端爲烏鳶設。死疫

汪國士一首

國士字君酬。桐城人。崇禎辛未進士。累官山東參議。有簡軒集。

飲吳中承園林

鎮蜀嚴公去。征蠻馬援還。家園繫舊侶。花竹是新刪。巾徑添闌好。遷池養鶴閒。更堆山一座。城裏日躋攀。

陶汝館十首

汝館字仲調。一字燮友。甯鄉人。崇禎癸酉舉人。除新會教諭。福王時。授翰林待詔。遷兵部郎中。五

省監軍改檢討有廣西涯樂府噓古集寄雪樓集褐玉堂集

郭都豈止菴集。余與仲調。生同里。長同學。出處患難。同時同志。年來杖策以規江左。垂涕而授拾遺。哀時命。弔戰場。尙有不盡。於詩若文者。晚復以凌霜嚙雪之肝腸。赴笈鳳弋鴻之羅罟。西室之髮自晞。湘水之魂復返。皆仲調詩文登峯造極時也。

黃周星噓古集序。變友噓古之作。非忠孝廉節之型。卽奇俠靈祕之蹟。大之可以干城名教。小之亦可以博物洽聞。是編出。皇天后土。可鑒野老之心。五獄九洲。共聽空山之哭。其以噓古名篇。蓋取詩人願言則噓之義。悼今人之不古處也。

靜志居詩話。先生壯歲好遊。自吳入越。與先人訂僑札之分。嘗留橋李度歲。晚際此離。出監軍事。捍禦鄉邦。著力暨章。堵兩公。盡瘁略同。讀哀湖南賦。悽戾過於闕成。詩雖未脫竟陵之派。然覺爽氣殊倫。

田按。仲調詩有異才。惜爲竟陵所染。當其合作。如金鐘大鏞。不作錚錚細響。

銅佛崖

九月霜氣深。煙寒霽亭午。曲折登層崖。臨江不可類。岸屈趾乃窮。雲斷路前忤。紺殿嵌山腰。豁然開淨土。僧去門不扃。空泉散微雨。終日漱巖花。泠泠答鐘鼓。

舟入虎邱

破曉入吳門。不泊良有意。欲及清晨光。入山發山寐。舟行二里餘。人煙雜遙翠。峻嶒立平楚。塔影落無地。迴舸畫橋東。及門恐容易。浴溪竹樹幽。舟繞出山背。綠陰濃到天。小鳥一聲墜。艤棹從此登。晴雪洗高寺。

擬古贈高彙旃學使兼寄懷王昆華宗伯

衆山不讓嶽。及嶽意自平。列星不作月。傅月光始盈。文章接元化。日月風會生。假令古學蕪。何以勸高明。鉅公抗經史。五緯天上橫。春風吹岫嶺。赤綠成雲英。一吹玉琯發。再吹洞庭清。雕蟲二三子。激作金鏞聲。鼎鼎朱張後。敢獨求微名。今夜嶽麓下。森寒唯玉衡。

軒轅臺懷古二首

軒轅非貴壽。天地難鴻濛。雲英化金石。物命趨五銅。騎龍下寶山。乃在湖水中。張樂滿洞庭。託言師崆峒。千載鼎湖上。元氣翔八風。

青天互湖水。白日凌丹臺。至人非羽翰。黃龍自天來。悠悠萬乘跡。徒令攀者哀。上有寶鼎雲。下有蛟宮雷。當時十六相。豈無神仙才。庸哉秦始皇。赫湘求蓬萊。

還家

新飯盛滿盂。新酒酌滿卮。諸孫競相勸。幼者捋我髭。出門雪壓屋。手抱初生兒。歸聞掩袂泣。始悟傷子悲。百年苦情累。哀樂集一時。乃翁幸生還。理遣聊自持。假使魂歸來。此哭當爲誰。達人齊彭殤。莊叟真吾師。

初冬舟中作

霜吹徐徐來。沿舟入蘋蓼。好山迢遞青。一鏡窺飛鳥。白鳥差池穿野菱。天寒水落陰棱棱。澹雲到地無一影。紅樹圍村知幾層。一作李世熊詩

秋夜同尹洞庭汪涵夫諸子索觀楚王孫伎劇卽席戲爲艷體

小山叢桂裏一隊錦鴛鴦。欺雪花俱艷。迴波曲自長。清微湘女瑟。蹀躞洛神璫。慣與王孫見。新妝但夕陽。

雙江逢船叟話舊

遙識墟煙處。雙江照白鷗。幾家疏莽住。孤寺劫灰留。隱隱但樵路。潭潭無釣舟。聊逢舊船子。悲難話餘愁。

晚春廿七日與曹叔方劉衍孫洪象先諸子自三湖過帥君卜草堂夜集

十里踏莎青未青。到門日落煙柳暝。欣然解衣索秉燭。愛此草堂遙帶星。過客光陰春宴序。雅人文酒尙玄亭。餘生好會不再得。淹我黃鸝湖上聽。

張明弼二首

明弼字公亮。金壇人。崇禎癸酉舉人。除揭陽知縣。有螢芝。榕城二集。

同翁裴郎許班王春夕飲宋喜公先生郭外別業。夜午而別。

檀板催酣子夜情。紅衫猶自進瑤箏。歌聲愛向梅邊落。燭影偏穿水底明。隔澗叢花疑正睡。依林宿鳥未傳驚。棉衙煙閣恒來往。忘卻秦淮是故京。

送張少尹往贛州

樟江北去是歸途。水意山情欲向吳。君入吳西爲候吏。願城鄉夢到姑蘇。



# 明詩紀事卷二十

## 辛籤

### 文德翼二首

德翼字用昭，德化人。崇禎甲戌進士，除嘉興推官，擢吏部主事。有雅似堂文集十卷，詩集三卷。

四庫總目：德翼人品清逸，而學問未能精邃，所作嘯吹錄之類，大抵以餽餉爲工。

陳子龍安雅堂集：豫章文字詩微而章直，而和痛而不亂，瑰麗詰曲而不詭於正。其遠者刺當時之失，抒忠愛之旨；其近者迫於憂讒畏譏之懷，而其要曰不失於和平婉順。

西江詩話：用昭屢徵不出，徜徉於五老二林之間者三十餘年。工詩文。

田按：用昭知權變，左良玉跋扈，不禮督師呂大器，用昭說鄖撫王某，文武固宜調和，制府尤當尊崇，公宜先折節致禮，以存朝廷之體。王從之，左乃修進謁督師之儀，時以爲善於應變。

### 湧鉢寺

我聞古佛鉢數里，以爲邊阿難拜其上。笑如小蟲旋，又聞如來鉢。四際光層層，羅什心計較。極力不能勝，復聞祖師鉢。絕無佗繆巧，龍大鉢亦大，龍小鉢亦小。三鉢具神通，也知色卽空。恨不與其會，散花滿鉢中。盆城普潤菴，一鉢從地起。雙龍拏爪飛，捧出法王子。法王法非法，王子法亦塵。法尙不足慕，而況此鉢真。

似陶且似冶。非金亦非鏰。浩劫久沈埋。頓爲開士收。開士者阿誰。朽木道人。是此剎建一竿。禪和獲安止。晦山大師來。歎爲大奇特。題詩表章之。壁上懸精墨。酬和何紛綸。辟支共聲聞。十方一應器。勒此曇花文。鐘鼓尙未響。此鉢幸勿持。如或喫粥了。洗鉢更何疑。

嚴子餐招飲湖舫。同子問張晉侯。梁景衡孫子。操陸梯霞拒石。

夢裏西湖老更來。畫船那放故人杯。鱗細浪隨鳧浴。鬢鬢層松促燕迴。五月楊梅纔半熟。六橋柳色未全開。清音不復憐絲竹。座上況多作賦才。

朱芾煌五首

芾煌字玉璠。無爲州人。崇禎甲戌進士。除餘姚知縣。改樂安。入爲戶部主事。謫順天教授。遷國子博士。歷兵部主事。進郎中。有文嘒堂詩集二卷。

四庫總目芾煌詩大都蒿目時艱。詩多感慨。如春愁秋懷。諸篇紀明末朝政紛紜。亂亡之象。亦可見其大概。田按玉璠詩七言流利。情致動人。

偶過湯光祿伯衡城南舊園。園後周曹孝廉環。應亦復作古感而賦此。

楊柳隄邊去馬遲。芙蓉江上憶當時。每從窈窕傾君酒。多遣玲瓏唱我詞。碧榭又更亭館額。青山尙欠墓門詩。湯休化去東阿死。斜月荒原一段思。

季本之外弟過姚江夜話

官舌鐘聲起麗譙。烽煙何幸阻寒宵。可憐海國晴看月。猶記江門夜聽潮。鄉夢欲隨雲共遠。春愁未許酒能消。朱家俠氣今全減。把手燈前慰寂寥。

邀汪友仙權部飲南湖煙水亭

孤嶼亭間秋氣疏。山川指點到來初。遊人草坐皆宜酒。傲吏江樓好著書。蘭芷遠尋通楚畹。芙蓉高臥接匡廬。金錢少府供輸急。合向磯頭伴老漁。

乙酉元日

癸未甲申兩元旦。聖駕親朝。早於常期。朝鐘久鳴。諸臣鞭馬長安街上。趨朝不及。又忽退朝。移時復出。此事兩年如一。當時人憂不祥之兆。今因夢記此。真不禁泫然也。

弓劍攀號恨未明。天街走馬憶縱橫。可憐昨夢朝元淚。都入東風作雨聲。

江洲

長江夜靜起濤聲。無限傷心對月明。芳草春風隨處徧。如今只不到江城。

劉侗一首

侗字同人。麻城人。崇禎甲戌進士。除吳縣知縣。未任卒。

曹溶靜惕堂集。同人以文體矜奇。爲學使置下等。憤懣入太學。連舉鄉會試。留都亭日。與于司直共輯帝京景物略。文筆詭異。蓋亦服習竟陵派者。

燈下竹枝詞

貂裘胡馬象裝車。不是勳家是戚家。笑上街樓簾盡捲。遊人圍定候琵琶。

凌世韶一首

世韶字官球。歙人。崇禎甲戌進士。除福清知縣。謫汀州經歷。遷嚴州推官。擢戶部主事。進郎中。有  
泃沙草。

沙頭呂貞婦龔氏

明月不在天。下爲貞女心。清寒入花骨。夢向冰霜尋。寥落殘燈影。沈吟破鏡陰。苦辛嗾謝豹。碧血染空林。

張允掄一首

允掄字并叔。萊陽人。崇禎甲戌進士。官饒州知府。有希范堂集。

勸惰

有男不知耕。有女不知織。昏昏惰廢人。仰屋空歎息。斯民生於天。自養各有力。壯盛時幾何。崦嵫景將逼。君看原上霜。坐變芳草色。

闕士琦二首

士琦字褐公。常德桃源人。崇禎甲戌進士。除南安知縣。福王時起編修。不赴。有螭螭館。闕山。郎當

等集

劉子驥

名士耽奇僻。桃花信有無。白雲丹竈古。莫問武陵漁。

崔婆泉

天風環珮杳。何處度霓裳。石髓無須吸。崔家泉自香。

潘世澄一首

世澄保山人。崇禎丙子舉人。官萍鄉知縣。

送吳山人

黃菊故人杯。青山遊子路。匹馬向垂楊。回首燕雲暮。

黃日乾一首

日乾字聖因。江甯人。崇禎丙子舉人。

書齋

小齋晝靜坐如年。閒撥爐灰裊篆煙。一尺綠陰蕉半展。雨餘窗紙上。蝸涎。

余颺十首

廳字賡之。莆田人。崇禎丁丑進士。除宣城知縣。改寶應。上虞。徵授吏部主事。歷員外郎。中出爲廣東副使。有蘆中集。

蘭陔詩話。季蘆從朱孕岡起兵。被執禁獄中。踰年得釋歸。晚製鐵笛。自稱老鐵。蓋以楊廉夫自況也。陳伯璣稱其詩可與少谷石倉三分鼎峙。

田按。賡之近體。音節悲壯。多故宮禾黍之思。

獄中夜坐贈林小眉二首

老被微名誤。君方十倍才。乾坤逢格鬪。鳥雀任疑猜。濁酒談無賴。荒雞聽可哀。長歌徒自損。一笑落燈煤。  
無力支天地。飄零委壯心。何人堪說盡。爲爾獨長吟。老馬疲關嶺。窮猿望木陰。角聲隨雨到。雙鬢畏燈侵。

懷方爾止

社鼠城鴉哭帝都。臨江東望孝陵枯。相韓五世悲公子。哭楚三閭憶大夫。鴻雁離魂銷皖口。鵲鴿淒羽鏃南湖。舊詩覓寄遊鱗斷。水國茫茫歲欲徂。

銷夏灣

夫差宮館迴吳關。銷夏沈沈水一灣。蘭槳風移香水沸。杜梨雨溼錦帆斑。館娃人去秋煙寂。響屨廊空暮鳥還。夜半江頭歌舞歇。千年月冷見愁顏。

拜戚少保祠

當年一旅下閩疆。殲絕倭酋罷戰場。父老今猶談事蹟。春秋時復奠蒸嘗。銅龍鱗甲蒼苔落。畫壁蟲蛇碧草荒。幾度嘯鴉飛繞樹。峒嶢古廟煥山陽。

贈楊仁叔

兼山先生子

先公嶽嶽舊詞臣。上第京華謬結鄰。抗疏名曾齊四諫。捐軀事復比三仁。秋江明月思公子。春草他年望故人。欲解只餘雙短劍。未堪持贈爲防身。

喜逢周遠害

帝京昔歲曾交臂。馬首匆匆拂後塵。垂老相憐難閉戶。立談未盡覺傷神。兵戈閩楚頻年似。詩賦窮愁逐字真。君尙黑頭吾白首。不堪相對客中身。

聞鄰人弦歌

淒涼野館晝長扃。響亮歌聲隔巷聽。鶴引雕笙臨玉宇。鶯迎碧管入紗櫺。詞人慣調河魚泣。樂府新編白雀翎。莫使更翻天寶曲。江州司馬淚如零。

可歎二首

湖草青青綴野橋。鷓鴣漠漠出迎潮。水碧簾外花如錦。複道行宮久寂寥。南樓花鳥北樓煙。沸地歌聲動管弦。十載江南多恨事。筵中莫遇李龜年。

許承欽一首

承欽字漱石。漢陽人。崇禎丁丑進士。官主事。

德州渡浮梁

古驛紆山左。長川抱海西。土風兼漢魏。河勢割燕齊。鹿角關前樹。平原嶺外雞。轉漕疲萬里。雨雪看輪蹄。

秦鏞一首

鏞字大晉。無錫人。崇禎丁丑進士。除清江知縣。福王時。擢監察御史。有參同閣集。

和唐人惠山詩

探泉古亭下。杉徑何青蒼。傍有碧山社。上有尊賢堂。先澤半宿莽。林鳥徒飛翔。雙井貯空碧。羣柏栖幽光。飲泉有真味。啜茗雜花香。千載共遙企。懷此不能忘。

莊元宸一首

元宸字起貞。鄞人。崇禎丁丑進士。授南太常博士。福王時。遷刑部主事。魯王監國。擢吏科都給事中。遷太常少卿。進本寺卿。有因園集。

續甬上書集。魯王監國。召莊公入朝。公疏言。殿下大仇未雪。舉兵以來。將士宣勞於外。炎威寒凍。沐雨櫛風。編氓殫賦於內。敲骨吸髓。重以昔年秋潦。今茲亢旱。臥薪嘗膽之不遑。而數月以來。頗安逸樂。釜魚幕燕。撫時憂。則憂安何可懷也。敵在門。



庭不及旦夕。有深宮養優之心。安得有前日借箸之事。則蒙蔽何可滋也。天下安危。託命宰相。今左右之人。頗能內承色笑。則事權何可移也。五等崇封。有如探囊。有爲昔時佐命元臣所不能得者。則恩賞何可濫也。殿下試念兩都三殿。禾黍麥秀。則居處必不安。試念孝陵。長陵。銅駝荆棘之慘。則對越必不樂。試念二王青宮之辱。則撫王子何以爲情。試念江干列邦生民之慘。則衣食可以俱廢。疏入報聞而已。公又言。中旨用人之非。乃敝王概政。臣叨居科長。斷不敢隨手奉詔。王不能用。自是公累有封駁。謝三寶皆納。內侍力阻之。而馬士英又至。王啓事。思任等移檄拒之。又廷爭之不得。公言。士英不斬。國事必不可爲。不報。於是公貽書同官林公時對。言叢爾氣象。似惟恐其不速盡者。區區憂憤。無時不痛心疾首。以致形容骨立。願得以微罪成其山野舉朝共留之。公意決竟去。疽發於背死。

### 絕命辭

故人唐魯公顛沛勿遽死。事至不可爲。終須一決耳。苦心透層霄。幽恨及沒齒。而我同蹉跎。卜泉慚君子。

### 錢朝彥一首

朝彥字殷求。錢唐人。崇禎丁丑進士。除句容知縣。改旌德。

### 過功德坊

在西湖錢王祠

百戰瞻烏日。中原逐鹿時。鯨鯢方建節。虎豹敢交綏。風雨侵車轍。江淮照戟枝。土人嚴伏臘。猶自望旌旗。

### 倪長圩一首

長圩字伯屏。平湖人。崇禎丁丑進士。除蘇州推官。遷兵部主事。

橋李詩繫伯屏博學好古善書法

次曹秋岳年兄韻

守約安貧賤，良朋辱過存。吾衰誰與怨，疑義幸逢論。草上雨珠碎，天邊弦月昏。坐來更漏轉，香滅酒卮痕。

康范生一首

范生字小范，安福人。崇禎己卯舉人。

梅村詩話：楊機部殉節後，云已無子。有康小范，孝廉來吳門，攜機部在贛州詩十餘首，并言其子尙在小范與機部同事，兵敗被縛下獄，瀕死而免。吳門巢聖野贈之詩曰：盧謏流落劉公死，回首章門一惘然。亦俠烈士也。

嘉定寓舍感賦

野寺門臨官教場，荒郊日落客心傷。書來異地傳新語，人到衰年憶故鄉。有盡繁華頻看鏡，無端寂寞強浮觴。與君試上高臺望，幾處朱門變白楊。

費經虞一首

經虞字仲若，新繁人。崇禎己卯舉人。除昆明知縣，歷通判，改桂林知縣，有荷衣集。

李調元蜀雅：仲若當蜀亂之後，獨能以詩學世其家。子密、孫錫琮、錫璜，俱馳名藝苑，再傳不替，可謂有鳳毛矣。

歸田吟

家破猶餘半畝塘，杜鵑嘯處柳絲長。騎牛不到人間去，白髮蕭蕭晒夕陽。

張琚一首

琚字居玉程鄉人崇禎己卯舉人。

送陳禮源父子旋里

春辭五嶺去公向八閩歸。明月照官路。梅花飄素衣。風塵終不染。宦海早知幾。自買三間屋。雲深鶴護扉。

羅策一首

策字元升上元人崇禎己卯舉人。

獻花巖

古寺依林麓。穿雲石徑斜。高僧今不見。山鳥自銜花。

曾異撰一首

異撰字弗人侯官人崇禎己卯舉人有紡授堂集。

靜志居詩話弗人異才詩太近詭。

五國風高言集田髡淵曰弗人詩抒寫性靈獨有奇氣。

續叩帖背寒夜懷寄李元仲

十月葭深霜近人。杳然懷望百憂親。獨醒一榻五更雨。半世無家有病身。老至著書傳未得。交多求友認

明時紀事 辛篆 卷二十

難真暗中搔首商知己不覺雞聲動四鄰。

三二二

# 明詩紀事卷二十一

## 辛籤

湯來賀一首

來賀字佐平南豐人崇禎庚辰進士除揚州推官擢刑科給事中福王時改禮部主事出爲廣東僉事遷布政使桂王立晉總制加兵部尚書有內省齋集三十二卷

西江詩話先生分憲粵東過大庾嶺題壁云警告山靈去不持一硯回此與趙清獻詩馬羣僦路如歸去龜放長淮不再來之意何異其廉德如此

懷孔登小卓左車龍文許師六

動息無所營蕭然似孤鶴幽棲疑跼蹐曠懷仍廓落深林濯微雨寒泉鳴澗壑洗耳謝沈冥于焉守耕鑿

萬曰吉六首

曰吉字元康黃岡人崇禎庚辰進士除崑山知縣有東有堂詩四集

嘉禾次黃甫及韻二首

萬里來戎馬孤帆泝水濱亂同天寶日饑似杜陵人蘭芷夷蕭艾鷓鴣薄鳳麟不知湖海氣蕭索向誰論

昔年同放逐。載酒入鴛湖。卓帽嘗爲客。青袍已誤儒。饑寒堅晚節。兵火送窮途。不見如花女。空林啼鷓鴣。

贈陳交仲

其兄道隆子同門友。令萊陽殉節。

十年京闕憶同游。亂後驚逢嘆敝裘。天上故人星嶽列。湘中逋客杜蘅愁。淚侵蒿里無乾土。薇種陽山有舊邱。攜手送君荆枳路。沈寥風雨正悲秋。

弔傅寄菴相公卻寄令郎司理練

巧遲拙速定兵機。秉鉞當時事已非。廟貌生前五夜建。公方治室。有馬生夢公舍旁。建忠臣廟。事在己卯八月。嶽靈事後九天歸。歌

成正氣。星河爛。魂返閒關雨雪霏。莫怪誅求貧徹骨。前賢遺得故山薇。

深柳堂偶集

漫勞仲舉掃階蕪。鸞鳳何年集帝梧。處士秣荒彭澤縣。騷人怨落洞庭湖。黃巾白馬關心切。碧海青天望眼枯。濁酒數升潦倒後。不堪衰柳夜啼烏。

考叔出關阻雨留宿

十里城隅若遠游。隔關未許汎歸舟。圖時管葛人何在。失路機雲我獨愁。夜雨匡床連一被。春燈草具泣雙囚。饑驅日久商行役。應識陽山是菟裘。

來集之一首

集之字元成。蕭山人。崇禎庚辰進士。除安慶推官。遷兵部主事。

春日雜詠

紫蔓乘春風。一夕長數尺。嫣然滿架花。取之餉賓客。樽酒開綺筵。歡呼動華陌。經年不成寸。南山見松柏。匪復競短長。聊以俟匠石。寥寥百載間。棟樑燬金碧。

單恂二首

恂字質生。松江華亭人。崇禎庚辰進士。除麻城知縣。有竹香庵。瓶庵。枯樹齋三集。

陳繼儒眉公集。質生兩慧根。食靈氣。從作者機杼外。別搆出清脩新聲。

松風遺韻。陳臥子云。質生爲人。風調雨澤。舉止疏拔。溫度雅論。宜於人倫。詩篇明瞭。動以朗潔。至其寓意。雅尚西崑。故綺閣之。然習香奩之類。遇一言傳怨。絲竹成灰。數言觸懷。脂粉透斷。思婦聞之掩心。羈人過而疾首矣。

靜志居詩話。質生詩力端陳言。濃而不膩。

田按。雲間幾社詩派。競尙瓌麗。質生才華跌宕。可與三子分席。臥子作質生竹香庵詩序。本集不載。當爲王蘭泉搜輯所遺耳。

避跡友人溪舍自遣

睡起持頤住野塘。燕墟楚堞思茫茫。釣輪傍客啾啞晚。碁簞留僧膈膊涼。陰砌沙雞吟尙澀。斷畦蒲鶴摘來香。比鄰瓮盡愁新秬。省我秋時茂世忙。

畢卓字。

新夏郊居

新荷貼渚細田。白蜨參差白鳥眠。釣艇繫時蒲颭水。縵車聲外麥籠煙。閒來茗椀留滑鬪。老去詩筒畏客傳。睡起刺桐花畔立。繡韞金絡紀當年。

徐芳三首

芳字仲光。南城人。崇禎庚辰進士。除澤州知州。有松明閣詩選。懸榻編。

今世說。徐仲光曰。吾儕如鳥中子規。自是天地間愁種。

西江志。仲光官澤州。以治行第一徵入國朝。與友人鄧廷彬入山偕隱。或出游以資食。則操技術以往。不輕謁公卿。平生著述甚多。縣令苗蕃選刻其十之一。名曰懸榻編。

龍性常詩話。徐仲光云。詩之道。以氣格爲上。而結構亦不可遂輕。以性情爲先。而警響亦不可遂廢。詞莫陋於縛贅。而徑率之句。亦不可謂之自然。境莫妙於目前。而凡俚之言。亦不可名爲眞至。韻而不靡。朴而不龕。淡而不枯。工而不詭。使事而不流於雜。談理而不墜於腐。模古而不傷於戾。蹈空而不病於鑿。亦作家之言也。

灘舟吟

閩溪十九皆灘。險絕天下跡其阻峭。宜同弱海。而乃有舟以相凌抗。始作俑者。誰氏之子哉。卽類而推。天下之大。何所不有。因度燕子巖。走筆識此。

棱棱齒石撞舟立。舟子蕩舟刺石入。石來搏水水搏舟。短棹輕翻去何急。風濤出沒虬螭奔。光怪驅馳雷電熠。咫尺分明隔生死。浮沈何處費呼吸。老人搖日誠無譁。雜客乾唇不暇泣。吁嗟行險理宜然。巧與危



鄰慎所習。

上河晚眺

不踐龍津道。於今二十年。蔣山空遠岫。江浦自蒼煙。晚綠餘隄柳。寒香賸渚蓮。後庭花莫唱。容我暫流連。

秋日同林孔碩登鼓山宿白雲堂卽事

蠟屐兜輿互換行。石門深去可憐生。幽溪古樹濤無恙。凍壁寒泉雪有聲。嵐氣半江秋水合。毫光千佛夜燈明。蹉跎未是茅蓬料。愧殺名山處處情。

高承鋌五首

承鋌字寓公。一字澤外。嘉興人。郎中道素子。崇禎庚辰進士。除遷安知縣。改寶坻。涇縣。福王立。遷工部主事。有稽古堂集。

靜志居詩話。先生表忠裏孝。以父死不辜。伏闕訟寃。絲綸奪者駭錫。三宰雷封。各著循績。而危邦墨守。尤文吏所難能。惜乎功多不賞。至今寶坻父老有遺德焉。家藏書八十櫃。與項氏萬卷樓爭富。雖干戈攪擾。不輟吟哦。其病中述志云。惟將前進士。慘澹表孤墳。讀者比之澤畔行吟。西臺慟哭。

秋夜卽事

細雨洗秋色。薄衾增夜涼。清吟銷暗火。幽夢過殘香。風靜鳥棲樹。溪喧魚跳梁。殷勤念籬菊。開到幾枝黃。

寄懷徐春門

細雨黃花徑。空山白板扉。貧嫌生事拙。病覺世情違。獨釣尋鷗夢。相思數雁飛。何時竹葉酒。坐對薜蘿衣。  
同年盧牧洲陸鯤庭吳歲青陳澹玄方懷怙劉漪若楊杏園張雷溪張翊明姚有僕先後殉難詩以哀之

數載同憂患。一朝分死生。殺身不再計。全節有餘榮。挂劍輕千里。悲笳動五更。可憐李黼榜。假蹇老維楨。  
春除日洪慶之過飲

憐君臥病已經旬。出郭尋春卻送春。歸路只應乘醉眼。楊花如雪倍愁人。

沙上人家

酒帘漁網繞蘋花。矮屋茅茨住淺沙。歸客春來休更問。滿江煙水又移家。

吳中蕃十二首

中蕃字滋大。一字大身。貴陽人。崇禎壬午舉人。桂王立。除遵義知縣。擢重慶知府。改吏部郎中。有敵帚集。斷硯集。

黔詩紀略。滋大少年遊迹徧吳越。多與其韻人崎士縞紵往來。故學行皆有根柢。甫薦賢書。遽遭陽九。殘朝薄宦。抗志西山。忠義文章。推吾黔有明一代後勁。其爲詩。直抒所見。粗服亂頭。不脣脣句。採字鍊以爲工。而質厚氣蒼。自然瑰異。

田按：滋太古詩，深心妙理，古趣今情，桑海之際，苦節能貞，可以激頽風，挽薄俗，集名敝帚，可識其宏旨矣。

### 縉雲寺湯池

寺廢亦已久，池乃故湯湯。萬松寺幽映，百靈司泄藏。遠自沃焦山，虛通嵎谷陽。雙持日月精，吐滋沐浴光。煙霧噴潮汐，薪盡誰爲揚。燥溼互根柢，內之變燠涼。冰雪具春溫，柳下而首陽。游鱗盡潑潑，苔蘚亦蒼蒼。造化恣神奇，物理安可詳。

### 別友

彭澤八十日，余今四十辰。心瀟志不遐，以斯愧古人。知交惜離別，祖帳紛具陳。座中誰最密，心友與周親。塞默各垂頭，蓄意難具申。豈不憂貧賤，未肯易其身。得歸即可歸，何必因鱸尊。海氣吹寒霰，酒至一再巡。揮手辭金馬，暮色促征輪。

### 早春田園二首

邇來視稼穡，頗識寒暑情。百物置於後，天地無能爭。東林日欲曙，羣動乃多驚。已飯闔雙扉，緩步逐牛行。牛旣羨草短，予亦快風清。微暄醒雪氣，泉心汨汨生。一道淨練光，去作溝澌聲。聽之遂忘夕，日與桑煙平。候至物難靜，高人亦未閒。晨疏畎畝道，夕飲犢牛還。卽事賴區區，庶免終歲艱。置身在天地，苟食誠何顏。昨者經前陂，枝頭色亦殷。沈魚上新浪，清鏡飛白鷗。顧惟物我懷，幽興未嘗慳。長歌散遙慮，孤雲方在山。

題許子儀所書悶應詞

摯蟲百中勇難程。坐立鞢緜氣尙橫。飢飽隨人良可恥。久居鬱鬱若爲情。側眼長空自梳翅。翎生蟻蝨神如醉。縱橫狐兔惱人腸。幕南一擊何時當。人生最苦不得意。從來偏屬雄豪輩。鐵椎枉擊副車驚。玉斗空擲鴻門碎。山人有觸涕滂沱。爲爾含毫費揣摩。不寫皮毛寫神趣。聊將筆墨代悲歌。霜原草短剛風曙。破壁焉能留爾住。還視山人尺幅中。俄驚變化通靈去。

茅屋爲春風所破

野情未已雷羣逐。舞茆挂樹如無屋。癡妻失計牢閉門。稚子登床蒙頭哭。旋石如斗狂呼颺。驅波塞竇勞箕箒。由來苦樂事莫同。草木猶道春風惠。廢椽零落只如許。抬頭忽見天倚杵。憎教罄室列缺見。飄然一笑流青電。爲賀先生自此升。不然拔宅冲霄騰。未盡床頭三斗麥。更向山椒覓葛藤。

題高堃芸所贈巫山圖

峽裏巫峰吾不見。壁上巫峰今識面。誰能移置此堂中。高子堃芸心所變。傳聞巫山少一峰。多年飛去大江東。今日盡飛來我壁。攢雲聳翠驚鴻濛。一峰未了一峰起。遠近低昂不相似。就中一峯直上天。峻筆窮追得半耳。漫言鴛鴦與鬼愁。卽今猶令滿堂秋。耳邊嘯猿三聲淚。瞿唐中斷無行舟。何人拄杖尋絕壁。似置西枝草堂地。數椽臨麓不曾關。中夜得無防虎至。桃源巫嶺事相同。雲雨知他第幾峰。莫因宋玉荒唐

說不使襄王出夢中。畫圖指似良。有以世上山川幾類此。甯教尺寸礙人行。未肯陂陀隨衆址。洪濤巨浪漱其根。窟宅虛無意鬼神。萬古長江誰鎖鑰。徒仗雙崖鎖北門。

重陽夜坐

重陽見月能有幾。昨日猶愁雨不止。忽然菊影自塗窗。涼氣充庭天若水。苦寒人失苦寒心。花畔添衣夜已沈。露重梧桐隨葉墜。暗貽清響答蛩吟。

癸丑立春後二日

殘歷尙餘旬。空傳已是春。雪風方得意。衣被不憐人。老覺朋儕盡。愁聞歲事新。韶光能有幾。漫擲苦寒晨。

落花

轉盼已殊前。空勞泣斷煙。過時俱腐朽。多事是春天。著地猶成錦。登枝又隔年。茫茫今古恨。試問樹頭鶻。

秦淮月下

秦淮絲管最多情。夜夜鳴鳴傍耳鳴。有客抱愁階下立。何人擁棹月中行。烏飛更向誰之屋。駝臥行看汝在荆。遙望孝陵深一拜。如聞天語念神京。

弔方正學先生

木末荒亭伴冷祠。何人到此不生悲。要爭一字千秋是。那顧全家十族巨。浩氣豈隨藏血化。存孤猶賴老

天知大書史策能無諱。直待於今論定時。

張璪二首

璪字韞仲。寶應人。崇禎壬午舉人。有木侍樓詩集。

送何子歸京口

黃農無夢向人間。刺滅懷中灑涕還。寒荻白生江浦霧。孤帆青入海門山。道塗變色多談虎。風雪侵衣善閉關。憶昔題詩弔焦隱。松岩爲覓蘚花斑。

焦山

瓦礫消沈古塔燈。活人仙井蔓荒藤。深山亦有興衰理。來問繩床百歲僧。

郭萬完一首

萬完字輩侯。龍溪人。崇禎壬午舉人。有旅聲詩集。

壬子初度

週庚如石火。拋擲果堪憐。白髮療無藥。青山到有緣。蹉跎將壽補。衰腐冀言傳。可似龍鍾竹。平安又一年。

趙炳龍一首

炳龍字文成。劍川州人。崇禎壬午舉人。桂王時。用薦授吏部主事。遷戶部員外。有居易軒詩文八

卷。

劍川州志。文成以楊畏知薦。桂王除吏部文選司主事。遷戶部員外。隨蹕至貴州安隆所。孫可望殺畏知。文成歸隱向湖村之  
愀園。吳三桂反。脅以僞命。避石竇山中不出。

小樓

小樓久不下。一年春又深。落花悄無語。老樹自冬心。酒熱偶看劍。牀空還抱琴。小兒強解事。也學和陶吟。

王傲通一首

傲通字龍門海門人。崇禎壬午特用進士。授刑部主事。以事謫福建布政司知事。稍遷虔州推官。

福王立。擢刑部郎中。有且園雜詠、武陵遊集、秋香園集。

田按。武陵舊情。黃石齋論之。帝怒甚。南臺成公勇疏救石齋。并下之理。時宵人進主使之說。欲以危長洲相國。舉朝驚駭。龍門治是獄。謂綱常名教。三尺童子皆知。何用主使。卒從勇輕擬。人皆嚙指。謂帝意且不測。會帝怒稍解。成降五級。龍門亦降三級。去時人祖道國門。賦詩章以贈其行。士論榮之。

三元山

夙抱林壑姿。每懷林壑癖。維舟藉清陰。登陟有深意。雲來孤嶼青。雨散大江碧。醉吟聊自娛。胡爲苦行役。

周嬰一首

嬰字方叔。莆田人。崇禎壬午特用進士。除上猶知縣。有遠遊編。

蘭陔詩話方叔詩華蓋之中自饒流逸

豔歌行

暮春三月氣妍和。神夷案晷鼓春歌。陽林密葉生青葢。陰澗新流起綠波。綺陌三條芳草合。金隄一望落花多。從風弱質名絳樹。奔月妖姿字素娥。玫瑰樹下鬪連枝。桃花水上蹇可離。凌波未覺污羅襪。涉露甯知溼履絲。同心綵結長不解。合歡錦帶復相貽。徘徊河間數錢日。徙倚邯鄲鼓瑟時。玉柱朱絃送嚴客。珠鞍繡軸催行役。垂楊旖旎含情朝。藁星流亂可憐夕。漢皋已失入懷珠。成都空問支機石。榮華逝水不可留。惆悵浮雲徒共積。

劉道開三首

道開字非眼。巴人崇禎壬午舉人。有各夢草。自怡軒集。擬寒山詩。

蜀詩非眼入國朝。總督李國英重其爲人。欲官之。走耕於野。晚授徒漢中。注楞嚴經。自號了菴居士。

山居

結茆亂山中。古松覆茅屋。松子屋上落。白雲屋下宿。三冬不出門。地壚燒榑柶。一卷黃庭經。皂帽蒙頭讀。

所居

何物清人耳。綿蠻鶯有聲。曉山雲外市。春樹雨中城。小艇堪垂釣。平疇足耦耕。獨憐車馬客。役役爲浮名。



與桂白石奕

長日手談意自閒。主人忘客客忘還。局當清簟疏簾裏。聲出古松流水間。雅集只須烹茗茗。草堂還喜對秋山。何勞局促爭成敗。好鳥時聞一破顏。

李國相一首

國相字敬公。號芋巖。富平人。僑居衡陽。崇禎壬午舉人。有逸齋費詞。

沅湘書舊集。張賊陷衡。徧索薦紳。強以偽職。不赴者死。芋巖引刀割兩臂。示不可用。得免。鼎革初。自南嶽轉徙山谷。歲更其處。晚築小室。植桃數株。稱桃隴老人。

哭夏叔直九疑

孤櫬淪荒域。生離一夢慳。問天孤雁字。無地釣魚灣。挂劍情誰寄。焚琴憾未刪。蒼梧有舜蹟。君志寄其間。

姚宗典一首

宗典字文初。長洲人。崇禎壬午舉人。

寓雲泉菴同澹游賦

老寺空村裏。窮秋落葉深。飄蕭淒暮色。歷亂送歸禽。落葉人誰掃。斜陽僧自吟。氣寒風戚戚。天地肅爲心。

錢默一首

默字不識嘉善人舉人旃子崇禎癸未進士除光澤知縣改嘉定國變後爲僧更名成回字無華道人有仲子集吹簫草

魏塘詩陳道人生而癩削隆準明眸顛插入鬢望之絕似深山道流爲童子卽卻血肉好蔬食留心內典八九歲開口爲詩古文凡傲不可一世世所傳錢仲子集也

別長人居士

深山千萬重傾蓋得相逢習定空房月招魂霜夜鐘孤筇迎客到破衲倩僧縫揮手煙霄外寒雲第幾峯

宮偉鏐一首

偉鏐字紫玄泰州籍靜海人崇禎癸未進士有采山外紀入燕集

廣陵懷古

順昌旗幟大儀同阜角林邊將略雄可是撼山資野戰卻將堅壁佐膚功荒郊古樹殘陽外督陣元戎列騎中虎旅六軍新駐蹕肯教浮馬下江東

張若羲一首

若羲字吳東松江華亭人崇禎癸未進士

董含三閩識略張帶三先生性高潔隱居菜花溼不入城布緇衣禪笠蕭然世外喜飲酒每從相知浮白縱談意氣甚壯然外雖頹唐而內實沈照隱約玩世人莫能窺其際也予上巳以新勸貽之先生答以一絕云臆間猶記老狂生翠釵春燈眼倍明

世事悠悠交惡變。綠楊深處儘埋名。

靜志居詩話。吳東爲余中表兄。甲申以後。潛身家巷。躬自灌園。余嘗訪之郊西。適荷鉏帶笠。相揖於紫瓜白苧之間。破屋數椽。下一榻以留。吳處士騏暇相酬和。詩思清厲。有亮節而無儒響。

### 杏壇

杏壇一席地。尼山百世師。大道久鴻濛。顯晦在此時。心齋而坐忘。子淵名沈思。忠恕本一貫。參也魯得之。中庸明性教。千載未可期。苟非私淑人。仁義將安施。淵源固有自。今古常若斯。所以能自信。抗言文在茲。

### 包壯行一首

壯行字稗修。南通州人。崇禎癸未進士。除南工部主事。有石圃老人集。

### 僧來復楞伽寺

荷花蕩西湖水深。上有蘭若當高岑。客吟時見山鳥下。僧定不聞鐘磬音。雨香秋林橘子熟。雲落空山棠梨陰。閒來埽石坐竹裏。靜與山人論素心。

### 祝之至二首

之至字一。生洪雅人。崇禎癸未進士。有嚶談集。墨戲堂集。

蜀詩。一生蜀亂後。入峨眉山爲僧。

### 雨後蒲亭道中

十曲蒲亭水。春煙帶溼生。泥侵雙屐滑。雲漏一峰晴。雨過天如沐。花香鳥自鳴。短衣隨野客。盡日畫中行。

金陵

東南形勝帝王州。幕府維揚鎮上游。人物衣冠三楚麗。秣陵風雨六朝秋。又傳簫鼓歌瓊樹。重見烽煙滿石頭。往事陳隋飄忽盡。新朝天子正無愁。

李實一首

實字如石。遂甯人。崇禎癸未進士。除吳縣知縣。

李調元蜀雅如石於書無不讀。鼎革後寓於吳市。隱居三十年。著述甚富。

春閨曲

碧玉堂前柳絮飛。白狼河外信音稀。征夫不及營巢燕。歲歲春風一度歸。

吳驥二首

驥字旣閑。竟陵人。崇禎庚午舉人。有浮園集。

蠶尾文。竟陵旣閑吳先生行履高潔。終身隱居東湖之上。煙波晴雨。水鳥樹林。漁歌樵唱之變態。當其會心。則以五七字寫之。此亦東湖之幸也。

湖北詩徵傳略。驥雅慕陸鴻漸之爲人。淡泊踈涼。不求榮。王阮亭爲作集序。直以桑苧西湖千載相匹。可謂擬得其倫矣。田按旣閑與胡君信居相近。時共唱和。其詩品之高潔。亦略相似。不染譚友夏餘習。豪俊之士。固不囿於鄉曲也。

方伯徐公寄詩約於漢濱舟次就晤

晴翠天門外。江邊一老翁。開扉看去鳥。倚棹聽歸鴻。舊夢留雲社。新吟憶渚宮。東風吹酒醒。爲報小桃紅。

九日集浮香閣

煖翠澄嵐侵水涯。柳隄香閣俯蒹葭。新萸試酌重陽酒。舊井同嘗陸子茶。風雨凌晨吹阜帽。煙霜晚節謔黃花。詞人清讌資遊賞。猶向荊州憶孟嘉。

周損五首

損字遠害。麻城人。崇禎己卯舉人。官饒州推官。國變後。雉髮爲僧。

月夜送客過惠上人故廬

經年過爾梵。猶爲送人來。山下月無恙。林中磬莫哀。松存支岸骨。竹養出籬胎。寂寂繩床外。一枝燈自開。

寄李大山中

江夏無苛政。陂湖恆宴如。有人家野艇。許我訪秋蕖。減慮親加飯。開顏兒弄書。報君上山月。南望莫欷歔。

魏華齋看耿子維篆石

齋冷酒無力。對床通曉風。新桐支瓦綠。小杏立牆紅。胸不到冰炭。手能爲鳥蟲。從君覓古法。一月住城中。

崇禎乙亥春同家四兄若臨從子仲龍攜家避賊武昌之葛山

焚盡鄉園夢已曾。過江來者說相仍。良朋先失生何仗。老母猶存死未能。清酒滿村無我酌。好山到處讓人登。典衣日日憂風雨。閒殺漁家柳下罾。

繫皖除夕憶劉雲密舟發

羈囚人語接霜鷄。獄吏崢嶸亦歲華。黃面白頭吾舊物。青鋒碧血世生涯。得稱僧臘猶慙愧。莫數王春動嘆嗟。昨夜良朋舟似鳥。羨他不聽皖城笳。

米元佃四首

元佃字吉人。辰溪人。明末舉於鄉。有羅峯詩文集十三卷。

田按吉人詩有妙悟。竟陵派之佳者。

復從獼溪歸作

三年常作客。幾日暫開顏。野步不隨路。秋愁多向山。遠明溪自動。虛響樹常閒。爲惜高雲意。蹉跎未擬還。

澗浦道中

城已多時破。村鄰幾處存。荒蹊春雨冷。舊院野花繁。白骨經霜雪。烏鴉長子孫。故鄉戎馬徧。對此哭黃昏。

遊九崖

虛谷少人迹。半山崩石聲。無根藤自活。應候鳥殊鳴。疏樹雲微出。荒田虎數行。歸途愁日暮。秋色帶孤城。

晚坐西園有懷

坐愛西園晚。寥天過片雲。暑消林氣薄。涼定水光分。顧影慚行止。虛心理見聞。客堂今夕夢。一半是思君。

蒙正發一首

正發字聖功。崇陽人。永明時舉人。官給事中。有漆園放言。龍壁吟。蘆草欸。乃聲等集。

王夫之南窗漫記。蒙聖功給事欸。乃聲九十首。曾授予訂之。其警句則有片帆影挂前川月。透枕霜清五夜鐘。藥市藏名嫌潤俗。鷗羣不亂信忘機。荆臺不樂吁先輩。高閣從來東腐儒。高峯影浸寒潭黑。絕壁光生晚照紅。明犀照水中嫌滿。寶劍沈淵免再探。小槩不驚浴鷗穩。回潭時積落花深。可謂句意雙到。

秋風鳥

小魚遇秋風而化出惠州。

秋風催水族。應候起沈淪。漸有雲霄志。難忘湖海身。招呼仍戀舊。毛羽忽更新。微物猶騰化。何須歎隱淪。





# 明詩紀事卷二十二

## 辛籤

張溥一首

溥字天如。太倉州人。崇禎辛未進士。改庶吉士。有七錄齋集十五卷。

吳偉業復社紀事。金沙周介生鍾始以制義甲乙天下。吾師張天如先生從婁東往。復社之舉自此始。崇禎改紀。先生以貢入京師。縱觀郊廟辟雍之盛。喟然太息曰。國家以經義取天下。士垂三百載。宜有以表章微言。潤色鴻業。今公卿不通六藝。後進小生。割耳儲目。倖弋獲于有司。無怪乎樛人持柄而折枝。砥痔半出于誦法孔子之徒。無他。詩書之道虧。而廉恥之塗塞也。今上卽位。臨雍講學。生當其時者。庶幾遵遺經。砥俗學。俾盛明著作。比隆三代。乃與燕趙魯衛之賢者爲文言。悉中要約。而後去。楚熊魚山先生開元知吳江縣事。以文章飭吏治。知人下士。喜從先生遊。吳江大姓吳氏。沈氏。潔館舍。庀飲食於郊。以待四方之造請者。推先生高第弟子呂石香雲孚爲都講。石香好作古文奇字。浙東西多聞其聲。而湖州有孫孟樸。淳銳身爲往來紹介。於是臭味翕集。遠自楚之蘄。豫之梁。宋。上江之宣城。甯國。浙東之山陰。四明。輪蹄日至。秦晉閩廣。間多有以其文郵致者。先生丹鉛上下。人人各盡其意。四年。先生選庶吉士。天下爭傳其文。而艾千子獨出其所爲。書相嘗贊。千子之學。雅自命大家。熟于其鄉南豐。臨川兩公之言。未嘗無依據。顧爲人褊狹。矜憤。不能虛公以求。是嘗燕集介州山園。陳臥子年十九。詩歌古文。傾一世。艾旁睨之。謂此年少何所知。酒酣論文。仗氣罵坐。臥子不能忍。直前毆之。乃嘿而逃去。先生既篤志五經。諸史。不復用制藝。與千子爭長短。當復社未起時。吾郡虞山錢蒙叟。吳門文滿持姚現聞三君子。由柞瑤召用。虞山以枚卜爲烏程。相計奏。

罷歸其同時奏對稱旨先烏程大拜者陽羨周挹齋先生主辛未會試在先生及偉業爲座主自以位尊顯無所稱於士大夫間欲介門下士以收物望尋謝政得請而烏程竊國柄陰陰慘戮思所以刺刃東南諸君子先生扼腕太息蚤夜呼憤其門弟子從者嘗來者其得相溫陰事名爲廉潔本法實縱子弟暴橫鄉里招權利通金錢先生引滿聽之以爲笑語語稍流聞相溫時盛修鄒虞山思一舉井中之未得尚也會虞山省吏陳履謙張漢儒有罪亡命入京師而政府遣心腹延之東第密受計告虞山及其門人置公式相所爲不法相溫從中下其章銀鑑逮治而復社之獄並起州人陸文聲者則儉無行先生同社張公榮執而挾之知當國方難復社逸入都就張漢儒邸舍拊撫兩公事踵漢儒上章賴上神聖疑其太切當有許章下所司陽溪復出方敦趣在道先生已屬疾卒於家時相調旨責三人曰對虞山奏曰臣先並溥成進士二十餘年結社會文止爲經生應舉臣叨卿貳不應參涉采奏曰復社之起在臣令臨川曰自此杜門病廢十年謂復社是臣事則臣非其時謂復社非臣事則張溥實臣至友上覽其詞直置弗問用御史劉熙祚言取先生所纂五經註疏大全及禮書樂書名臣奏議數百卷繕寫進覽先生死而讒口嗷嗷追仇其地下之骨幸蒙上滿雪又并其遺書拂拭之於此見稽古之不容泯滅也

陳真慧山陽錄天如文豐蔚典瞻兼家丞庶子之長崇禎丁丑余與仲馭朗三詩酒藝上見其實客輻輳幃帷如雲日授吟詠手校墳典爭歌寶笈五官並應絕歎爲二劉更生

明詩選陳臥子曰天如忠愛誦孟門行可見一斑卒後而動聖王之思有以也

鄒漪啓植野乘天如爲文融洽經史詩皆三唐風格

靜志居詩話天如狎主復社以附東林聲應氣求龍集鳳會一言以爲日月四海重其人倫書畧刻而百函寶書日以三接山是青矜冒子自蠟明經登李元禮之門不啻虬戶爲柳伯憲所識勝於筭金列郡人文一時風尚日談朝事案置漢書頭包齧額之巾足著踏跟之履和歌下里擁鼻東川俄而哲人其萎踐康成之妖夢天子有詔求司馬之遺書黨論日興清流釀禍周之變彈之於始阮大鍼厄之於終而邦國因之殄瘁矣

送侯豫瞻北上

春氣吳山早，風來水國初。社村今日酒，牀笏舊時書。燕子迎新舫，桃花奉板輿。尚持司馬節，珍重佩金魚。

張采一首

采字受先，太倉州人。崇禎戊辰進士，除臨川知縣，遷禮部主事。有知畏堂文存十一卷，詩存四卷。

復社紀事：天知先生同里，最親善者曰張受先采。海內所目爲婁東兩張者也。受先策仕臨川，綱維張設一以古循吏爲師，謝

病歸。遇同輩多所磨切，敢爲激發之行，數以古法治鄉黨，闕左銖兩之奸，輒誦言誅之，惟恐其人不聞知者。南都覆，受先爲邑

蠹，里猾乘亂擄擊，刺劉幾無完膚，絕而復甦。又兩年而病沒於漚迹之荒野。

靜志居詩話：婁東二張，狎主復社盟書。吉士身後，詔求遺書，通邑大都家守其學。儀部名雖少遜，然里門作志，留都議禮，考文

徵獻，比於吉士功多。

漫興

豈自求仙道，須因避世爭。無官多暇日，有病得長生。不食安期棗，誰吹子晉笙。開簾尋落影，殘月已三更。

楊紘一首

蘇字子常，常熟人。諸生，有懷舊詩一卷。

錢峯文鈔：子常先生與同郡顧麟士先生，皆明經飭行，矜尙氣節，時人並稱楊、顧。吳中名士興文社曰應社，兩先生俱在焉。

仙人好樓居

明詩紀事 辛籤 卷二十二

三一三五

盈盈淩波襪。相遇碧山頭。山深泣路歧。弱水亦可憂。何如王城上。高建百尺樓。日月在其牖。一檻憑九州。行地正絕迹。相率與天游。試問華陽史。洞壑何其幽。

顧夢麟六首

夢麟字麟士。太倉州人。有織簾居詩集四卷。文集四卷。

啓禎兩朝遺詩麟士詩深古幽潔。

田按麟士學人之詩耐人咀味。

題汲古閣二首

千編蠹走魚。三寫焉成鳥。流傳不足徵。筆削何如無。尋源準之宋。正訛同索逋。旁觀味所從。或謂正者誣。古今幾紀載。半訖餘已闕。當時兩官書。將恐供樵蘇。何況正史外。百雜如散珠。一閣此貫穿。上下縹緗俱。我來耳目眩。譬海泛一壺。嘗聞蓮華藏。亦假輪藏扶。熏染卽其緣。經言豈欺吾。

鑿井利羣饜。萬情同酌榼。餅壘與繡鍾。各從家所任。得失關軀命。昏莫猶必尋。詎知井有孚。亦取泉資深。汲遙常綆修。先具太古心。君看一閣內。肅肅神明欽。六經文在茲。爲繫甯獨今。煙煤有往聖。一字雙南金。

和左太沖招隱詩二首

美人遲不見。俯仰懷山榛。憔悴卽非計。馳驅徒損神。黃髮十餘曹。素心常任真。安知外間事。好爵猶津津。

尺蠖既一屈。願言勿再伸。唐虞與殷周。何者非灰塵。先師垂遺訓。求仁斯得仁。優哉出處意。永矣無參辰。志士重一餓。西山名到今。縑袍不屑恥。帶索坐彈琴。珍禽慕樊籠。野鹿思邱林。各自有本性。非關時陸沈。白社結遺黎。清齋惟梵音。猶餘故習氣。抱膝浩歌吟。得句互咨嗟。笑言開素襟。無煩更招隱。己此盡明釋。

次韻追和豈菴自題所作戈莊泛月圖

亂世何人有不將。畫圖自住浣花莊。舟當偶泛樽壘簡。月到方中草樹荒。二客能從疑赤壁。一池常醉似高陽。看君品坐君元在。時挂閒齋供茗香。

湖村晚興

參差雙塔起城頭。一抹峯巒數里愁。誰喚山人黃子久。重來茅屋寫深秋。

朱隗二首

隗字雲子。長洲人。有咫聞齋稿。

錢謙益牧齋集。雲子才情繁富。纏綿絡繹。長歌古詩。才力橫覽。

靜志居詩話。雲子際鍾譚盛行之日。唱酬吳下。遙應南風。然其論詩有云。詩貴淵源風旨。不取蹈襲形模。漢魏未嘗規模三百篇。盛唐未嘗規模漢魏。今且拘拘習其聲音笑貌。何爲者耶。又贈陳玉立長歌云。五十年前不知天下幾人無死。中原白雲中。後此還爲楚風誤。則於竟陵非中心誠服可知。且盛稱臥子之作。而其已作第留意於中晚。不可與聞修元歎等齒也。田按。雲子富有才華。惜爲楚咻所奪。然終不掩駿邁之氣。

鴛湖主人出家姬演牡丹亭記歌

鴛湖頭颯寒雨。竹戶蘭軒坐容與。主人不慣留俗賓。識曲知音有心許。徐徐邀入翠簾垂。埽地添香亦侍兒。默默悵悵燈欲灺。才看聲影出參差。鸞衾祇隔紗屏綠。茗鑪相對人如玉。不須粉項與檀妝。謝卻哀絲及豪竹。縈盈滄蕩未能名。歌舞場中別調清。態非作意方成豔。曲別無聲始是情。幽明人鬼皆情宅。作記窮情醒情癖。當筵喚起老臨川。玉茗堂中夜深魄。歸時風露四更初。暗省從前倍起予。尊前此意堪生死。誰似瑯琊王伯與。

徐鉉本事詩。鴛湖主人。禾中某吏部也。吏部家居時。極聲伎歌舞之樂。後以事見法。南湖花柳。散作荒煙。東市朝衣。變爲蝮虺。故吳祭酒梅村鴛湖曲。有芳草乍疑歌扇綠。落英錯認舞衣鮮之句。余亦賦鴛湖感舊云。曾說荒臺雜栢枝。而今空見柳絲絲。不因重唱鴛湖曲。誰識南朝舊總持。

田按。鴛湖主人。與吳昌時也。昌時名在復社。頗爲東林效奔走。官吏部郎。通廠衛。賊私狼藉。電發不斥其名。梅村鴛湖曲亦多哀愍之詞。蓋詩人忠厚之遺也。

魏忠賢祠廢基傍爲五人墓歌

長安城西白牝交。連結雄虺興神妖。白鬚兒子解承事。黃門寺獄坑賢豪。蘇州吏部鐵作管。此人不死奸無魄。金吾忽挾黃紙來。虎闕鴟張恣求索。吳門俠少刑白雞。來看讀詔袖金椎。飽腸踏破腥懸樹。鸞眼句殘血作泥。是日風霾四郊暗。官騎殺盡人方厭。吳兒自古仗高情。更離身手專諸劍。中丞狼狽抱頭奔。尙

假餘威殺五人。妻孥潛瘞。不知處。恨鬼吞聲。秋復春。當年雄虺薰天勢。生祠創建人爭媚。梁卑三殿一尺餘。祝曰。阿爺九千歲。無何蛟螭虺伏辜。祠旋毀。拆成邱墟。五人身首始得出。卻葬祠旁表路衢。海市冰山只早晚。祠榜今爲瀾中版。五人之墓草青青。時有行人爲澆飯。

田汝事詳庚義周公順昌傳後。

張溥七錄齋集。五人之墓。碑記五人者。蓋當鬱洲周公之被逮。激於義而死焉者也。今郡之賢士大夫。請於當道。卽除魏闕。瀆祠之址。以葬之。且立石於其墓之門。以旌其所爲。嗚呼。亦盛矣哉。夫五人之死。去今之墓而葬焉。其爲時止十有一月耳。夫十有一月之中。凡富貴之子。慷慨得志之徒。其疾病而死。死而湮沒不足道者。亦已衆矣。況草野之無聞者歟。獨五人之皎皦。何也。予竊記周公之被逮。在丁卯三月之望。吾社之行爲。上先者爲之聲義。歛資財以送其行。哭聲震動天地。縱騎按劍而前。問誰爲寡者。衆不能堪。扶而仆之。是時撫臺者爲魂之私人。周公之逮。所由使也。吳之民方痛心焉。乘其厲聲以呵。則譟然相逐。中丞匿於潤藩以逸。旣而以吳民之亂。請於朝。按察五人曰。顏佩章。楊念如。馬杰。沈揚。周文元。卽今之傑然在墓者也。五人之當刑也。意氣揚揚。呼中丞之名而罵之。談笑以死。斷頭置城上。顏色不少變。有賢士夫捐五十金買五人之頭而葬之。卒與屍合。故今之墓中全乎爲五人也。嗟夫。大闢之亂。諸紳不能易其志者。四海之大。有幾人歟。五人生於編伍之間。素不聞詩書之訓。激昂大義。蹈死不避。亦曷故哉。且矯詔紛出。鉤黨之捕。遍於天下。卒以吾郡之發憤一擊。不敢復有株治。大闢亦逡巡畏懼。非常之謀。難於猝發。待聖人之出。而投環道路。不可謂非五人之力也。由是觀之。則今之高爵顯位。一旦抵罪。或脫身以逃。不能容於遠近。而又有翦髮杜門。佯狂不知所之者。其辱身賤行。視五人之死。輕重何如哉。

### 顧杲一首

杲字子方無錫人有悟秋草堂集十卷

靜志居詩話崇禎戊寅南國諸生百四十人具防亂公揭請逐閣黨阮大鍼子方實居其首有云杲等讀聖人之書明討賊之義事出公論言與憤俱但知爲國除姦不惜以身贖禍大鍼飲恨刺骨而東林復社之讎在必報矣大鍼名在東林點將錄號沒遮欄而閩人周之變亦注名復社第一集阮露刃以殺東林周反戈以攻復社君子擇交不可不慎於始也

蕉扇

動搖生夏涼君非附炎者往來詩客旁高齋勝秋野

陳宗之十八首

宗之字玉立長洲人崇禎癸酉舉人

靜志居詩話啓禎間景陵流派盛行於吳中雖有林若撫力持唐調然而捷敏未免率易玉立矜鍊獨操正始之音八門七堰六十坊可以獨步

極望

朝登崇邱望四野行人稀悲風振林薄紅塵蔽我衣比屋絕青煙窮郊多啼飢陽和雖萌動不救庶物微天高不可問長吏恣疾威念之五衷熱願力與願違閱世莫克拯撫膺一長歎

感秋

膏雨遍山澤禾黍何豐茸天意豈不周下民乃無胸人滿芽蘗生地繁好宥容大賢不世出珪墨恣昏庸



荆襄方帶甲。燕薊時傳烽。嗟我蒲蛤氓。不思鎬與澧。鞭撻雖云苦。急病理宜共。築圃會有時。秋鐙燎夕昏。我亦慎作勞。飯牛幾時逢。

### 幽栖

窮居非一端。委志在山草。豈無衣食營。高閒以爲寶。茅茨羣峰下。變態日夕討。霞巘逸風期。霜崖聳襟抱。前有寒泉谷。精微自瑩藻。安得長閉關。心期學至道。觸物方悲歌。歎此橫塗潦。

### 感時

歲月不待人。流光迫逋景。榻來青陽臥。忽已冬夕永。羣條結淒籟。衆壑瀉孤井。抱書黃籬下。白燄搖瘦影。繁憂浩無端。弱志怯前猛。本乏邱園賁。懶怠就曠省。時賢非我期。隱軌幾馳騁。浩蕩古皇心。矜促箕與穎。

### 東澗述懷

結廬北郭溪。寓榻東山麓。郊居已杜門。此更混樵牧。高館闕以淒。穹崖峭還複。琴尊選幽勝。萬翠攢雲屋。籊冠不復簪。散髮聽高瀑。道書填座右。戒香薰靜僕。噓吸資清冷。蕭屑任土木。雖復念流亡。彌年安貞獨。子春非賣塞。子真非淇谷。通執各有趣。胡必傲邁軸。乾坤委化運。山鬼聽誦讀。此中寓深致。非人亮莫告。

### 思太古

四序如轉轂。谷居已冬春。誅茅無人地。混混忘佳晨。蛟龍已震動。角尾洞淵淪。自非冥寂心。疇敢忘吾人。

大道失綱領。生晚違天民。文字并幽患。棄之復誰親。相期滅聞見。默守氣自神。

雪嶠吟二首

人生苦綆短。進取恨不早。局促百年中。顏鬢幾時好。馳動既失喧。退遜或傷槁。斗酒發清謔。耳熱心如搗。西京多勢家。雷轟長安道。金膏耀園臺。恩倖及襁褓。子雲方翳如。遺經至今寶。一懶畢吾分。人山謝僇伍。艱虞失怙後。疲齋劬寸武。憶昔壯年時。俊健如狻虎。飛光不待人。短髮被霜縷。東鄰有織聲。西鄰響樵斧。野人獨蒙頭。高臥至日午。

羣盜

信阻黃牛峽。人稀白帝城。干戈包穀鄧。烽火蔓襄荊。天意高難測。人材浪得名。荒雞興夜歎。流淚哭殘氓。

穀闕秋懷

不堪搖落恨。深秋漠漠風。煙起暮愁。鄧尉有山頻入夢。向平多累不成游。黃花笑鬢遲佳色。白墮吹香下晚籬。背信吾生鴻鵠舉。高原亦有稻粱謀。

首夏寄徐子能

栖遲蕭寺轆轤床。水木空青湛竹房。几落瓦花桐广碧。檻懸蝓蠹桂均芳。攜尊喜逐忘機友。閉戶粧知省。爭方聞道西郊徐處士。突煙晨冷鶴無糧。

銷磨日力倚書牋。客至從教叩不膺。穿戶筍胎舒紫籜。覆床蕉被展青稜。松棚短屋過溪叟。茗粥清齋共  
寺僧。最戀雨餘人事絕。夕陽畦草看魚罾。

### 出山

五岳平生擬向禽。吳山矯首亦棲尋。旅魂獨夜成風雨。大地精廬閱古今。佛閣清霜凋遠岫。洞門寒日照  
深林。不知救世何人事。莫漫銷沈梁父吟。

### 愁

繩床深碧語殘鶯。回首飛花歲月更。白髮曉梳遲學道。黃金春盡拙謀生。昨非始悟陶元亮。日損終思向  
子平。較量行藏無一可。且酣綠蟻百壺清。

### 家園早春

閣子陰陰透翠重。柳隄香雪任苔封。暫將禮數消人忌。自許雲林息世慵。春汲幾家蘿蔭接。嘯歌千古枕  
書供。幽尋擬乞山僧杖。風雨精靈恐作龍。

### 送盧渭生赴史相國幕時以覲省歸里賦詩壯之

黃河列戍控山東。指盡襟喉抵掌中。白筆軍書推國士。紅旗都統賴裴公。嘗參幕府龍韜略。歸拜高堂鶴  
髮翁。立馬短衫仍獨往。從教逢掖勒奇功。

送客之楚幕

中原遍地盡弋鉞。何處依劉豺虎邊。匹馬獨歸燕市月。扁舟仍泝武昌煙。禰衡莫浪題鸚鵡。杜甫應須拜杜鵑。若問野人雲水迹。茫茫澤國一漁筌。

山中歸見壁上懷友詩次天民韻

年來朋侶太參差。出處茫茫各自私。喪我每思南郭隱。逢人多誦北山移。蓬門晝寂無題鳳。柑酒春深有聽鷓。千載賁園同靖節。鹿裘高臥落花時。

葉襄七首

襄字聖野。長洲人。崇禎時諸生。有紅藥堂詩。

蘇州府志。聖野少穎敏。父教授在外。從母張受學。銳志經籍。爲名諸生。楊廷樞領袖復社。聖野執經稱高弟子。甲申後。隱居不出。工詩律。尤工儷語。有六朝風致。

靜志居詩話。吳下詩流。聖野始屏鍾譚餘論。嚴持科律。一以唐人爲師。與姜考功如須往還。酬和。並嘗接席臨。里談諧宴笑。器局可親。所刊吟稿。考功序之。

田按。聖野近體風華。悽麗。有蘭成哀咽之音。

春詠和曹秋岳二首

阮籍惟埋照。狂歌意匪他。生涯甘隴畝。心事聽關河。碧草條風晚。青尊舊雨多。蕭條憐短髮。何用補蹉跎。

大雅誠寥闕。如君復幾人。九天聞鶴唱。萬里縱鷗馴。老健渾無敵。驍騰信絕塵。春風江總宅。彩筆動星辰。

春詠酬龔芝麓二首

水國春陰重。江潭柳色移。蠻煙沈帝渚。荒雨仆靈旗。白髮年中換。青袍夢裏疑。山深薇蕨長。應傍伍胥祠。顛顛黃冠客。猶傳補闕名。孤舟范蠡宅。高柳闔閭城。短褐人情薄。崎嶇吾道輕。杜蘅搖落盡。春色爲誰明。

新柳

駘蕩東風促放芽。有情應似惜年華。章臺溼雨追芳草。野郭輕陰待杏花。淺綠未堪遲暮燕。嫩黃何處暗棲鴉。水豐坊裏承恩早。柳宿光中一縷斜。

禹陵

寂寞塗山會。蒼茫越海東。星辰環斗極。風雨壯幽宮。玉帛當年盛。衣冠萬祀同。守珪嚴郡將。佩玉列羣公。畫廡莓苔碧。陰廊薜荔紅。岡巒迴日月。棟宇鬪蛟龍。窆石蟲書古。穹碑鳥篆工。泉源留儉德。伊洛想神功。配極曾河嶽。憑高俯岱嵩。千齡垂廟饗。百谷儼朝宗。

焚書坑

七國煙銷霸業墟。咸陽宮闕總灰餘。蕭何自索關中籍。不向空坑問蠹魚。

張澤一首

澤字草臣吳江諸生

與雲子衍波菴中夜坐

松古徑難暝。悵然山月光。起行棲鳥散。雜坐野橋荒。良友懷中事。寒林夢裏霜。十年蹤迹異。今夕可能量。

周立勳三首

立勳字勒卣松江華亭縣學生

陳子龍幾社六子詩序。周徐輩六子皆與余同學詩者也。其才情雄駿。用功深微。十倍於余。然覽其詩。可以滲獨立而儷古人者。人不數篇耳。

明詩綜張受先云。勒卣工愁善恨。下語如九曲明珠。耐人尋索。

靜志居詩話。松江舊有十六子社。唐文恪董文敏及吾鄉馮祭酒與焉。崇禎中勒卣偕陳夏諸公倡幾社。首事僅六人。以詩古文辭相砥礪。今所傳王申文選是已。陳夏皆以名節著。惟勒卣早夭。聞其遇社中人意態殊落落。而人自有欲親之誠。時穀城方閣老四長守松江。數與幾社諸子周旋。而尤敬愛勒卣。人或問之。答曰。勒卣一往有雋氣。不屑作酒肉貴人。第其詩文。慨以慨激出之。慮其人不諳耳。歲已卯。就試金陵。質素清福。寓伎館。伎聞貢院。櫛鼓促之起。勒卣尙擊臥也。未幾。逢客死。臥子哭以詩云。松柏西陵路。菖蒲北里花。春風夜臺路。玉勒向誰家。宋轅文亦有詩。翠羽明珠擁莫愁。君家顧曲舊風流。一時腸斷人何處。風雨蕭條燕子樓。又云。山陽玉笛異時情。天間繡杓意不平。縱使未堪軒冕貴。何妨白髮老書生。數日後。忽夢勒卣至。曰。君詩固佳。胡不曰。縱使未堪邱壑老。何妨白髮困諸生。轅文覺而異之。爲位佛祠祭焉。

田按。勒卣之論詩曰。士當不得志而寄情篇什。憂悶悲裂。爲詞遠旨。往往有之。又云。予失足敗意。願盼園圃。風物悽恨。求巖壑。

之遺編愧時賢之工藝未嘗不歎悼扼腕悔其多作悲哉何其多幽憂之思也勒貞與臥子爲素交臥子選明詩僅錄其詠懷一首予廣搜諸集得詩數篇俾弔沈淪而哀憔悴者有以得其厓略也

### 舟行效江文通詩

凌晨戒舟楫岸渚一已深。弱草承芳徑孤雲冒遙岑。鬱葱起奇樹歷落飛幽禽。蒲葉薄刺水香風輕出林。海煙遠樹黑江光日莫陰。奔濤恣瀟蕩高墳散崎嶇。獨望成千里安能知古今。

### 雨泊富陽江上

驟雨江流急雲挾蛟龍勢峩峩不得停。橫帆去搖曳孤鳥沒還浮亂石危有制雲湧山自覆林遠草同細。連舟若村墟煙火遙相隸所歷百里間風波渺難濟客行無安途林深啼蜀帝。

### 舟次黃州寄懷諸子

攬衣涉沙磧日落黃州城。魏祖旌旗盡吾家事業更。薄遊分數子因別念平生無限悲秋色孤鴻向客鳴。

### 魏沖一首

沖字叔子一字道用常熟人崇禎庚午舉人有小碎集。

列朝詩集叔子重賢卽能詩濯濯無俗調。

懷舊集叔子少與兄仲雪齊名稱二魏詩亦恆似久而信余言遂舍故學君有詩云貧知無事足賤倚閉門尊先府君以爲名句。

田按：叔子馮定遠師也。鈍吟雜錄常稱之。

三月十三日陳和卿補送春約載酒李家橋顧氏園亭

幾簇茅茨綠樹攢。野薇香酷小梅酸。一春城裏看春色。今日餘春村外看。

許元功四首

元功字無功。一字更生。吳人有靜曜詩集。

湖山靈秀集。明季如許無功。吳不官。足爲蔡九逵後勁。

田按：無功詩清麗綿澗。令人留賞。

灌谿夜話

寒城易暮色。倦客鮮歡懷。園林幸接近。時偕樽壘來。兼得兩三友。諧謔無嫌猜。論古有餘思。停卮共徘徊。肅肅前除霜。噉噉鴻雁哀。攬衣發長歎。月白煙初開。

歸元恭同寓郡郊將偕葛瑞五入包山贈別

遊侶適尋至。因知帆不停。前朝好黃葉。林臥聽清泠。煙火白波出。連山寒更清。何心留滯者。愁說贈榛苓。顧與治養痾半塘。余亦病滯城。菴辱先東至。卻寄

此地聞君過。書來枕上看。江湖同旅泊。愁病得秋殘。野寺翻經榻。寒塘放鴨闌。城郊通短夢。劇論舊悲歡。



丙戌秋同李灌谿訪劉公旦野寺公旦有扇頭見贈之作久未答和悵然補之

野寺蕭然古壑秋。哀松激響憶同遊。袈裟得借人間地。麈尾難消客裏愁。手種白楊齋徑改。魂歸青草墓門幽。舊題珍重時開篋。不對西風淚亦流。

潘一桂二首

一桂字無隱。一字木公。吳江人。

列朝詩集無隱年未三十有賦數十篇。卜居京口。覽江山之勝。與友人錢玄密。締以辭賦相鏃。作東征昌言諸賦。爲時所稱。東游泰山。謁孔林。作東游詩。南陽朱邸好辭賦。延招四方賓客。起高明樓。擬于雁池兔園。幣聘再至。乃往。授簡賦詩。雍容應教。有趙康王禮謝榛。鄭若庸之遺風焉。居留一月。謝不能曳裾王門。稱疾辭歸。

龍潭道中

疊嶂深藏日。連峯共隱天。小舟如雁許。歷歷下江天。

幽人

山色自滿幽人扉。疏窗晴日淨暉暉。避人一鳥踏枝去。遂有落花無數飛。

王潢二首

潢字元倬。上元人。崇禎丙子舉人。有南陔堂集。何莫草。

帝里明代人文略。先生吾鄉忠厚人也。明遺孝廉篤行君子一人而已。

賈徙南王日華沈修能晚過小酌次日華韻

駭鱗潛重淵。驚羽棲層枝。達人審物候。舒卷從天時。眷懷二三子。顧我臨前墀。盛夏苦埃鬱。溽暑如蒸炊。赤日忽西馳。皓月窺梁楣。雙桐傲清響。拂坐生涼颼。卽境屏餘慕。怡曠良在茲。願言數晨夕。析賞無虛期。

吳門訪徐元歎

何處溪山曳短筇。誤從城郭訊高蹤。埋名或恐同梅福。問字曾聞擬顧雍。人臥荒菴依落木。客停孤舫聽疏鐘。相逢莫語興亡事。耕稼惟應學老農。

梅朗中五首

朗中字朗三宣城人鼎祚孫崇禎時諸生有書帶園集十六卷。

侯方域壯悔堂集朗三采六代之華標三唐之製長歌短律皆臻精妙。

愚山集禹金聞孫復有朗三蓋庶幾與禹金相望者朗三善詩古文辭兼及書畫又好獎才彥歛衆美以萃其身乃年不逮四十而摧折悲夫。

梅氏詩略則三耐情嗜古詩文法祖而資才駕之字效張王畫規宋元嘗與吳越名士樹幟騷壇爲四方風雅之宗論者謂祖孫輝映均足千古。

田按朗三古詩仿顏謝而未能穎脫五律便自瀟灑。

集白雲樓

徑穿叢篠出，樓壓曲甍生。虛爽坐看久，壺觴暑更清。烏栖千嶂夕，虹飲一川明。最愛秋林晚，丹霞樹樹橫。同方爾止蔡大美遊響山時，余將往新安，因送大美之金陵。

作客同春水，東西任去留。卽堪臨水送，復此別家愁。白岳開丹卷，青山空謝樓。無須悵分手，雲物帝城秋。送吳生孟修讀書越中，因訪錢諸暨及湖上嚴朱諸子。

入東何不速，良友半空函。墊飯沙頭市，春衣馬首嵐。負書誰共賞，斲酒爾能堪。若過山陰道，還先禹穴探。送大美之金陵寄何次德。

纔傾蘭社酒，使買石城艘。旅夢回楓樹，餘霞吟練江。舊知名第五，不獨賦無雙。儻問梅真子，寒吟謝朓窗。送劉雲遊姑蘇。

江館花殘燕子飛，春蒲一幅下蟻磯。五湖煙月知多少，莫學西施去不歸。

### 蔣臣一首

臣初名姬胤，字子卿，更名後，字一桐，城人。崇禎中舉賢良方正，授戶部司務，遷主事。有誰菴集。  
靜志居詩話：一個見知於太倉二張，注名復社。其柴車北上，爲倪公玉汝所薦，召對平臺，甲申寇變，問道走淮陽，依史公道鄰。史公留參軍務，一個嘆曰：以一驕虞將五狼，其能久乎？遂辭歸。其詩雖乏渾油，亦自瀟散。

田按：一個以范大司馬景文薦，建漕屯，行鈔，足國三議。漕屯未知如何，其行鈔法，言歲造三十萬貫，價銀一兩，歲可得銀三十萬兩，此亦書生之見，豈可行於衰亂之世乎？

感遇贈劉伯宗

夙昔秉遐尙。託契依邱樊。炯戒師明哲。息機謝羣援。山月照薜蘿。偶開松下樽。素琴發清籟。宿鳥時高翻。斯際穆懷古。孤緒於焉存。時艱亦念哉。舍藏道所尊。感彼華實分。獨寤永弗諼。主上撫扈運。九載未濟屯。絃網遍八埏。翹車賁邱園。是時無留良。與子同見掄。天路苦荆棘。豺虎彌川原。關洛數十郡。戰哭皆新魂。子才陋微管。奮翮必鸞鶩。余方戀南陔。藝黍供晨昏。出處各有適。素節諒自敦。不聞莘渭人。媿媿效公孫。三復沔彼詩。末俗誰與論。

趙相如二首

相如字又漢。桐城人。天啓諸生。有載園詩集。

桐舊集。潘蜀藻曰。崇禎時求直言。又漢上治平十二策。爲權貴所阻。其爲詩。憂君憫俗。婉約深摯。有浣花之風。

甲申春初感事

羣策勳名在鼎鐘。英籌何日殪元凶。十年議撫煩司馬。五等新頒起臥龍。河伯威能爭豫壤。泥丸隙竟潰函封。荒原萬里春田草。隴上誰明盛世農。

江南曲

樓船簫鼓動江城。長板橋頭夕照橫。少婦不知烽火急。擢歌猶唱鳳陽聲。

許振光一首

振光字起文吳人有心耕草堂集

將歸先寄山中諸同社

冬氣先知到布衾。故園蕭散別來心。或爲野步兼橋立。不是茶清卽酒深。向友索文星下讀。懷人有夢水西尋。問余作客因何事。兩月江干日苦吟。

俞南史二首

南史字無殊吳江人山人安期子。

治圃

學圃非吾事。時窮逐汝曹。初知鹿門逸。終覺漢陰勞。業薄資家食。慵多長野蒿。栽培天地意。功力計纖毫。

長門怨

金屋春深早閉門。平陽歌舞動黃昏。君王那得如明鏡。日向妝臺照淚痕。

徐白二首

白字介白吳江人別號笑菴先生有竹嘯菴詩鈔。

愚菴集介白自鍾譚入門能不熏染其流弊。

蓬初堂集處士詩幽冷刻深不肯蹈襲前人一字。

靜志居詩話介白初師景陵詩派務以幽深孤峭爲宗後以太湖落日賦見賞於陳臥子晚年持論稍歸和易。

本事詩笑恭清癯峻削性類枯禪卜築靈巖三十年屏迹城市室內顏白髮前朝士青山半屋雲之句錄其單詞髣髴關天風步虛聲也。

獨遊

雨後垂楊路東風草際喧因尋溪外響不覺盡清源雲傍水心寺花開原上村春光先我待一笑復何言。

月下聽女郎彈琵琶

哀絃淒絕末知名若對清光更有聲總爲姮娥善幽怨人間此夜盡關情。

方文十首

文字爾止桐城人崇禎諸生有爾止集五十卷。

愚山集爾止爲詩雖民謠里諺塗巷瑣事皆可引用與會所屬衝口成篇款曲如話真至渾融自肺腑中流出絕無補綴之痕。

流洋詩話爾止瀟灑有天趣每見人誦詩者輒爲竄改其人不樂亦不顧也然退未嘗不稱其長而揜其短余以此重之。

池北偶談方龠山居金陵少有才華晚學白樂天好作淺俚之語爲世口實以己壬子生命畫師作四子圖中爲陶淵明次。

杜子美次白樂天皆高座而已僂僂於前呈其詩卷余爲題罷語座客曰陶坦率白令老嫗可解皆不足慮所慮杜陵老子文。

峽網密恐龠山不免喫藤條耳一座絕倒。

詩觀爾止詩專學長慶僕昔與之論詩蕭寺頗有箴規爾止弗善也要去其俚率存其蒼老斯爾止爲足傳矣。

靜志居詩話。爾止間作可笑詩句。頗爲時論擲揄。然如嘉穀登場。或春或採。秕糠終少於粒米。

### 送沈治先歸皖

秋江同作客。春水又同歸。何事棲遲久。仍嗟生計微。對床聽夜雨。把酒問漁磯。坐惜沙邊鳥。乘風忽背飛。

### 旅夜

客舍已淒苦。況聞風雨聲。一杯消永夜。孤燭坐深更。飢鼠分行出。寒雞失次鳴。此時心眼靜。歷歷悟浮生。

### 留別陸夢文

西子湖花秋正芳。斷橋曾與共相羊。青天鴻雁各千里。白露蒹葭已十霜。阿閣相逢重對酒。榜人無賴復鳴榔。春江細柳垂垂發。逝水何如別恨長。

### 送曾庭聞遊漢中

秦門自古興王地。楚蜀咽喉在漢中。龍戰且收西極馬。鵬搏應待北溟風。將軍名以先朝重。才子文於露布雄。酒後有時還縱獵。詩人淨與賦彤弓。

### 立春日何第五招同施愚山夜集兼呈令兄次德

卜築青谿少四鄰。君家兄弟獨相親。每逢好月思良晤。況復寒江來故人。雪酒不辭今夜醉。風花又見一年新。烏衣巷口多芳草。明日重過是早春。

題劉遠公扁舟江上圖

年來江上正橫流，何處輕舸任爾浮。  
小泊歐陽湖上雨，長懷徐孺宅邊秋。  
天空倚櫂吟霜葉，客至投竿醉酒樓。  
我亦無家同放浪，平分汀鷺與沙鷗。

題酒家壁

問我來何數，非關飲興豪。  
風塵燕市裏，或恐有荆高。

喜遇陳允倩處士兼懷陸麗京梯霞

廬陵自古溪山好，尚有梅花冷煖殊。  
爭似錢塘陳與陸，枝枝葉葉是林逋。

立秋

郡齋木葉報秋聲，客被單寒夢不成。  
睡起秋聲無處覓，刺桐花下月微明。

題半山道人畫冊

一著袈裟絕萬緣，獨餘破硯習難捐。  
江山本是無情物，畫到荒殘亦可憐。

吳德操一首

德操字鑑在桐城人，諸生官大理寺丞。  
有北征草過江集。

聞劉念臺金天樞兩都憲同日蒙譴



危冠伉直遂庭爭。梁下先驚懸鼓聲。獨坐轉慙辛慶忌。同官還累竇營平。人言太尉門牆峻。帝識萊蕪釜餽清。臺閣一時誰表率。飄然南策蹇驢行。

葛芝二首

芝字瑞五。崑山人。有臥龍山人集。

短歌行

朝遊太行。暮歸王屋。寶劍在掌。鬼母夜哭。解一士方貧賤。踟地呼天。一旦雄飛。目無聖賢。解二權勢所在。爭則害人。哀哉李園。竟殺春申。解三麋鹿在山。饑鳴求食。忽登雕俎。人飽肥澤。解四曲室密語。中懷水火。苟得同心。一人已可。解五神靈所畏。惟在果敢。匹夫縱橫。山川倒撼。解六促我豐膳。飲酒曲房。授我繁弱。射虎南岡。解七

贈徐日敬

芙蓉未老鰾魚肥。孺子扁舟叩竹扉。感舊十年惟有涕。論交四海竟誰依。瓊瑤請室人猶在。寂寞新亭事已非。君是黃公門下客。墓前絮酒定沾衣。

趙司直二首

司直字維生。涇人。貢生。有欵閣集。

散步

柳色當窗覆。好風吹自東。舊懷隨野鶴。晚興寄孤桐。曉雨半峯綠。夕陽千樹紅。相攜呼解杖。囊盡不知窮。

別墅

幽夢過殘香。遙懷寄墜籜。獨坐校遺編。白雲當戶落。

賀裳四首

裳字黃公。丹陽人。諸生。有少賤齋。紺雪齋二集。

吳喬園爐詩話。黃公載酒園詩話。深得三唐作者之意。

劉會恩曲阿詩綜。黃公與從姪黃序有二黃之目。工樂府古詩。

擬古謠諺

干將雖利。不能析薪。鳳凰雖靈。不能司晨。

詠古

好古遂成癖。蒙誦終不回。馬遷有竊氣。李白真仙才。屈枚雖過之。讀之令人哀。不若二子言。使我胸懷開。平時不敢讀。每以待愁來。

送人之塞下

右筆左韃囊。常披白鬪袍。星下看龍劍。燈前讀豹韜。倚鞍成露布。磨楯試霜毫。絳灌徒能武。勳名未足高。

白塔懷古本宋故宮楊髡發諸陵收寶玉取遺骨雜牛馬骨葬於此上作白塔鎮之

鳳凰山上樹蒼蒼。欲訪遺蹤半渺茫。誰向春風澆麥飯。空留夜雨作椒漿。月明飢鹿來荒院。風定棲螢出短牆。野叟遊僧都不見。只憑嘯鳥訴淒涼。

賀燕徵七首

燕徵字元生。丹陽人。諸生。福王時。以薦參贊兵部軍務。告歸。有玉筐集。

田按。丹陽賀氏。元生與黃公在復社有名。黃公載酒園詩話。當時盛稱。余謂黃公詩不知元生。玉筐集音節嘹亮。古今體均入格也。

戰城南

戰城南。守城北。城下萬竈炊煙黑。今日不椎牛。包羔饗壯士。焉知明日戰死不為狐狸食。狐狸腸。可以葬馬革。裹尸非所望。君不見松林鬼火粲如花。孤魂夜夜泣無家。雨洗黃沙出白骨。劍鋒猶向骨間沒。

巫山高

山山出雲雨。朝暮成今古。何必巫山陽。遂為神女府。楚襄應是獵章臺。曾挾傾宮舞袖來。當時詞臣善諷諫。故將雲雨規荒宴。祈招足以止君心。楚臣每多金玉音。

酬陸直菴社伯

大雅今誰領。君如人有眉。乾坤容鳳隱。雷雨療龍癡。秋水離騷句。春風供奉祠。蘭橈倘北渡。樽酒話江湄。

淮陰侯

奪符猜已甚。躡足禍應胎。鳥盡弓藏後。王孫亦可哀。

留侯

借箸銷金印。休糧茹紫芝。區區終始意。隆準未能知。

虎邱尋貞孃墓不得

片月埋香骨。輕雲度夜魂。當年應化玉。是否碧桃根。

阻風謝司港

三日艤舟坐。何殊鳥處籠。張帆夜半去。老鶴縱秋空。

劉城十五首

城字伯宗。貴池人。諸生以薦考授知州。不拜官歸。有嶧桐集十卷。

陳宏緒士業全集。伯宗國變來自署一私印曰謝髮鄭心。將自比於皋羽之髮。所南之心也。爲文高古。渾成類西漢。於詩尤工。樂府暨絕句。

康范生集。劉伯宗徵君詩。具有微情至性。寄託深遠。

靜志居詩話。伯宗次尾。足稱貴池二妙。才氣亦相敵。

印按。伯宗雄才揮霍。英斷前知。弘光時。史公道鄰。以輔臣督師出守儀徵。議建四鎮防河。而南封左良玉。武昌。伯宗遣書。史公曰。五侯皆盜賊之餘。非有恩義聯結。知募節概。思樹功名。流聲於後世也。主弱必叛。敵強則降。敵主皆弱。且欲專制自爲。而互相兼併。勝者大自封。小挾上。不勝者。則復潰溢散漫。而爲流賊。今內無老臣宿將。勁旅親兵。足以彈壓。不肖在廷。推公防守。雖名督師。實出公於外。根本單薄。而欲使此四人者防河。是猶使狼守門。虎來未必能拒。而土人先不得動手搖足矣。苟行之。公必悔之。史公得書。果悔之。而無及矣。此書今嶧桐集不載。余見之。徐巨源所作。伯宗傳中。伯宗自序古樂府云。余於崇禎丙丁戊午間。頗有雜感。而分不得言。則取古題。傅以時事。竊比於微而顯。怨而不怒。亦詩人之意云爾。其文則古。而其事與義則別。余固不爲擬古樂府者也。余謂如是。斯可以爲古樂府矣。

### 上之回

上之回。祠雍畢。楊翠旗。仗玉琚。升高墉。閱臨衝。羣后擁。百靈降。導漣澗。賚宮功。昊天悅。人和同。望玉門之外。見青海若帶。休屠祭天。烏孫膜拜。皇帝陛下三萬歲。

### 巫山高

巫山高。石巖巖。溪水深。流相環。水日嚙山趾。高陵崩以徙。岸谷旣移。洪流斯彌。昔與爾綢繆。今與爾仇讎。山川之險。使人心憂。欲渡無梁。我涕洟雲土。夢又待何時。

### 猛虎行

饑不分盜跖。膾寒不衷夏姬衣。饑寒豈不急。志士微尚非。薄俗多豐替。逐臭相因依。祝鮀羣情樂。冉雍物

論譏斑斑白額虎。嚙人常苦肥。啾啾九苞鳳。棲梧常苦饑。虎肥多弃肉。足飽狼與豨。鳳饑無餘粒。野雀別山飛。眷彼披裘翁。逃名得庶幾。

企喻歌

男兒欲作好。結交必有人。蚩蚩與駘虛。相倚始成行。

幽州馬客歌

作客來京洛。本自幽并兒。沙場無死戰。驟駢換蛾眉。

前緩聲歌

籠中之雀。必有海運之鯁。大小相笑。難與較論。世人是非毀譽。以愛惡如虱處禪。當復思人間之苦。必有天上之歡。空清曠蕩。下視殺人報怨無端。勿短歎復長歎。蒿里聚斂齊觀。

題吳山賓畫屏

松翠可滴。山黛如零。寒水滅沒。遙見長汀。欲問津去。無舟與答。延頸四望。空闊宵冥。

古意與徐九一并

東海有奇樹。鬱鬱千霄姿。下蟠萬仞根。上垂千尺枝。芳香郁廣野。文采光陸離。卿雲繚繞之。惡鳥不敢栖。歷年宿鸞鷲。鸞鷲治世儀。有時出雷雨。一雨四方滋。

徽宗畫鷹歌

素翎鉤吻眼愁胡。鐵腳雙閑猛腦軀。意思慄鷲條墜徐。欲颺且立勢可呼。誰其圖者道君無。學士臣京贊且書。戴嵩之牛韓幹馬。挂滿村家酒舍堵。唐寫蘭亭五千本。豈有山陰但定武。意殊神王毛可憐。便是當年良岳主。我思杜甫觀鷹贈楊監。猶且惆悵追憶含元殿。三郎閣道雖郎當。翠華返正虜血濺。五國城寒滿朔風。孟婆終不行方便。秋風自高鷹不揚。餓則依人鞞上旋。岳家好爪不容飛。西湖一曲攢鴛燕。淚盡冰天寄帛書。此時應不畫鷹獨畫雁。

湖州忽逢孫新齋廷評鼎攜家茗水在此

句曲寒霜月。茗溪盛夏風。遭逢兩意外。飄泊一時中。國事痛何極。吾曹正自同。脫衫纔發語。穆駿問西東。

寄白門余澹心懷

重問當年舊六朝。干戈經處可蕭騷。隱囊塵尾應零落。石闕華林自寂寥。白板扉存知爾在。黑頭公貴有人驕。孝標著論交堪絕。猶向蘭心說夢蕉。

天啓宮詞二首

蓮漏投籤已幾回。金鋪屈戌鎖難開。火城忽簇仙韶動。奉聖夫人休沐來。封章連日奏重瞳。鐫德銜恩祀廠公。早見文書房捧進。溫綸已票速批紅。

崇禎宮詞二首

水晶簾照月微明，鴛被回身夢始驚。  
門外稍聽牌子過，鸞輿警蹕已聞聲。  
宸極深嚴兼聽全，刺奸密奏戒傳宣。  
打來事件朝朝進，短紙牢封到御前。

沈自然四首

自然字君服，吳江人。有來思，閒情二集。

本事詩：君服才藻紛披，集多麗句，纖靡儂豔，架軼西崑，不僅步溫、李後塵也。

明詩綜：君服居母憂，不勝喪而卒。其友私謚孝介先生。

江南樂

初景爛銀浦，溢溢浮鷓鴣。  
儂情兩搖蕩，持比春江色。  
江深蓮子齊，水煖鴛鴦飛。  
不須更相問，家住橫塘西。  
橫塘連夾浦，曲曲明如許。  
誰打白蘋開，前溪夜來雨。  
雨霽上南樓，天高水影浮。  
出門郎不見，齊蕩采蓮舟。  
舟輕小於蜨，楊柳雙頭檝。  
咿軋滿中流，桃根復桃葉。  
蓮花照水紅，那得負情儂。  
不愁白日暮，但苦西南風。  
風吹早帆去，作底情難訴。  
記取石頭城，門開烏桕樹。  
樹下卽江流，風多團扇秋。  
相將板橋上，迴望大堤頭。  
堤頭風力軟，綠刺菱香滿。  
嫩薄粉紅嬌，羅輕衣帶緩。  
江南望江北，只取屏風隔。  
折來梅蕊芳，持寄隴頭客。  
客夢久踟躕，江南定不如。  
甯知可憐唱，相近莫愁湖。



四時行樂詞錄二

媛簇歡娛鬪錦營。尙多愁緒戀朝醒。更將何事消芳晝。豈有閒情數落英。桃葉渡頭風濫濫。芙蓉塘外水盈盈。南山發豔臨西苑。方罫文思漏晚晴。春

清晝沈沈畫閣閒。翠華宮裏見南山。催成織素先裁扇。喚取冰棱試作環。鴛瓦雨來珠跳蕩。風溝泉遠玉纖灣。輕衫短袖迎風立。一例新梳學小鬟。夏

金屋

金屋妝成鬪麗華。莫言銀漢隔天涯。水羅罩影沈秋月。蜀錦圍香鎖絳霞。春檻綠鸚歌玉樹。曉牕青鳳拂桐花。誰憐越女江邨裏。旦晚臨溪自浣紗。

吳道新一首

道新字湯日。桐城人。天啓丁卯舉人。除泰興教諭。遷國子助教。改工部主事。有潛德居詩集。

桐簞集。潘蜀藻曰。湯日先生。甲申後隱於桐城東鄉之白雲巖。荷衣芰裳。與耕漁者伍。垂四十年。室修鑿穴於武安。袁閔遜迹於土室。不是過也。孫易公有壽湯日詩云。十年夢斷漢明光。尙有朝衣染御香。亂後親朋俱契闊。老來詩酒益疏狂。黍離歌罷。周臣怨。杜若洲寒。楚客傷。一自鼎湖弓墜後。瀟陵歲歲哭先皇。

病甚述懷

玉宵峯峙白雲鄉。賸水殘山一草堂。但許狂歌臨廣武。敢言耆舊重襄陽。病知身後埋青草。愁見齋前種白楊。應羨司空能早達。衣冠生壙預先藏。

# 明詩紀事卷二十三

辛籤

開啓祥二首

啓祥字子將錢塘人萬歷壬子舉人有自娛齋集

靜志居詩話杭州先有讀書社倡自開孝廉子將張文學天生馮公子千秋暨餘杭三嚴後乃入於復社而登樓社繼之文必六朝詩必三唐彬彬盛矣

田按子將沿襲公安頗涉俳體

雲棲晚歸原擬取道十八澗以多虎有戒心不果

禪林歸路晚。遂伴且兼程。殘雪消還在。寒潮落復生。望煙知郭近。畏虎避山行。忽忽辜清景。還家意未平。

過桐君山

訪舊桐江上。扁舟此地過。一山盤古木。夾水送澄波。風息帆檣少。潮平沙渚多。僧幽真可語。其奈夕陽何。

朱一是一十七首

一是字近修海甯人崇禎壬午舉人有爲可堂集

讀畫錄。朱近修以詩文雄視一世。作江上數峯圖。澹遠空闊。怡人心目。是李山顏寄余者。曹子顧曰。余與近修同研席者。三十年。自未見其畫。亂離之餘。遊戲爲之。便自神詣。近修有爲可齊集。與古大家爭衡。頗有可傳者。丁未夏過白門。與余論畫。語語當行。其集中諸小記。妙極形容。頗有繪畫不能盡者。顧菴又何疑焉。

明詩綜。陸冰修云。近修文名早擢。速避地江東。風志百里。尤以才略見長。歸欲披緝以老。而從遊弟子力強之說經。因主文社。太邱之交。道日廣。州來之編紵。彌多。古今詩不事矜鍊。而詞采斐然。五言如十畧杜陵葛。一寒范叔袍。秋懸遊子夢。日落異鄉山野火。燒山近。寒星照水明。山容初過雨。水氣忽生秋。淚以傷時盡。愁須醉日多。僧廚三度臘。客夢一歸鄉。剪竹開新徑。因溪架小橋。青山寒照日。黃葉晚從風。遠水通溝澗。濃陰接樹平。妻子他鄉淚。文章浩劫灰。七言如牧馬官同張萬歲。進賢賞並鄂千秋。關河秋色三千里。風雨冬青十二陵。代北重關飛白雁。京西古鎮出黃花。笛裏羌歌憐折柳。馬頭關樹但生榆。長江險失韓擒虎。智井春埋張麗華。三楚烽煙新幕府。六朝煙雨舊樓臺。瀑布秋風搖練影。石梁新雨糝藤花。皆音響清鏘。猶是歷下四溟敵手。

梅里詩輯。孝廉負經濟。計偕入郤。欲上書言事。而時已不可爲矣。國變後。遁逃海上。饑寒顛沛。百折不回。居吾里東偏。蒔桑種竹。顏其門曰十畝之間。時寓僧廬。披緇衣講學。或勸之初不應。貞固之操。恆於詩篇見之。古今詩才情富麗。氣體雄秀。

明人詩鈔續集。近修五七言律。英英欲上。響高而氣華。

田按。近修詩長於近體。七言調雄氣逸。尤爲到格。曾師事梅村。其贈梅村有云。近時高華推四傑。邊徐何李詞源決。山左更數白雪樓。江南莫如王弇州。弇州梅村一梓里。後來者勝投袂起。可知其淵源所自也。

夷門歌

虎狼吞併古所聞。救趙卻秦成大勳。平生結客魏公子。激烈豈爲平原君。朱亥狗屠感意氣。侯嬴老人識

名義臨風刎頸捐一軀。赫赫精靈感天地。恥不帝秦亦徒然。蹈海虛傳魯仲連。

采菱曲

儂愛菱花香。蕩槳水中央。那知葉深處。驚出兩鴛鴦。

楊白花

青垂楊柳枝。白吹楊柳花。折枝猶在手。花去落誰家。

還過爲可堂卽事

四壁蕭條外。平蕪卽戰場。殷勤逢父老。涕淚滿衣裳。白日扃荆戶。青燐照草堂。鷓鴣聊可息。慙愧賦靈光。

歸濼溪雜詠

喪亂人從老。間關道已窮。有身慚故舊。無淚哭英雄。投筆心仍苦。登樓賦詎工。歸來唯獨寐。多病畏秋風。

送袁重其歸吳門

詞賦西京起盛名。歸舟到處有逢迎。水平寶帶芙蓉落。山老靈巖橘柚生。娃館月明寒夜色。蘇臺木脫動秋聲。鹿門亦在空城裏。坐對妻孥不問兵。

維揚同社聽濤吟屬和

湖上邗關水氣雄。重看女市萬燈紅。春風楊柳興亡後。宵月樓臺隱見中。四海弟兄長夜醉。一時詞賦小

山工不堪白首天涯客。年少猶憐我調同。

北塞

居庸高望極龍沙。野戍蕭條對日斜。代北重關飛白雁。京西古鎮出黃花。穿河萬里猶秦塞。絕漠三城自漢家。苦戰當年推衛霍。秋風千載起悲笳。

淮望

憑虛一望幾徘徊。暮色輕煙萬里開。滄海遠帆多北轉。黃河穿塞自南來。雲邊豐沛蟠龍氣。樹裏彭城戲馬臺。澤國關山連二楚。英雄遺略感羣才。

登宣武門雜興

天際高臺越客登。帝鄉極目彩雲興。關河秋色三千里。風雨冬青十二陵。洛口赤眉金鼓動。終南黃髮玉書徵。中原事業需匡濟。誰許蒹鱸慕季鷹。

初入都雜賦

關門纔喜出驕兵。誰問懸軍絕塞營。上聖幾年臨使殿。諸公何日作長城。衣冠南北愁分部。烽火東西逼二京。聞道哥舒新報警。潼關羽檄夜催征。

溪上

溪上茅蘆水抱東。薜蘿徑小少人通。高低白雁秋雲裏。開謝黃花夜雨中。夢友不辭千里遠。著書獨對一庭空。倚門愁望平原樹。萬葉蕭蕭下朔風。

淳化嶺

淳化嶺前一度遊。關門咫尺思悠悠。山風山雨隨時變。江草江花向客愁。月暗空城三闕夜。霜寒古木六朝秋。啾啾衆鳥投村宿。汗漫征車苦未休。

當湖登弄珠樓遠眺同陸雯若

萬頃澄波百尺樓。九龍迴繞戲珠遊。地從天目分形秀。水合滄溟積氣浮。挂席夜通三泖月。開襟曉帶五湖秋。眼中浩渺情無極。城市原來近十洲。

春去

春去東風在。何須更惜春。還賴東風力。吹回遠遊人。

金陵送人入楚

秋江流水白紛紛。不解留君但送君。今日一尊吳地酒。明朝千里楚山雲。

端陽

煙淨風微渚水清。龍舟羯鼓動哀聲。祇今楚國無三戶。還有遺民弔屈平。

陸圻四首

圻字麗京一字景宜錢塘人貢生有威鳳堂集

今世說陸麗京度曲四劇游遊武塘錢仲芳大集賓客卽令吳伶演唱新聲豔發絲竹轉清四座之間魂搖意深

漁洋詩話陸講山武林書室爲四泐十子之冠晚年遠遊不歸或云在嶺南爲僧名今龍或云隱五當爲道士終莫得而詳也

洪昉思詩云君問西泠陸講山飄然一盞竟忘還乘雲或化孤飛鶴來往天台雁宕間

西陵十子詩選景宣經史論敘藻密淹通翰墨之勳先驅首路詩則綺麗爲宗符采昭闡雲津龍躍不厭才多

靜志居詩話崇禎間文社四起執牛耳者婁江張吉士溥也歲辛巳吉士卒麗京東駕絮酒往會葬賦五言長律一時傳鈔以

爲傑作兵後賣藥長安市上其詩文采組六朝醫方酒令觸口悉成儷語拗飯冷菜捫蝨而談相對者忘其穢也晚因史禍牽

連既得釋訪濟公於月霞精舍轉入武當爲道士不知所終

鮑琦亭集講山先生與弟大行培並有盛名與其友爲登樓社世稱爲西陵體乙酉之難大行里居自經死講山匿海濱尋至

越中復至福州雍髮爲僧母作書趣之歸時尙崎嶇兵甲之間思得一當事去乃返雅善醫藉以養親會莊讎史事發詞連講

山械繫按察司獄久之事白得出貽書友人封還月旦不知所之或言其在黃山子寅徒步入山長跪號泣請歸講山曰昔者

之歸以汝大母在令大母亡矣何所歸寅請一歸祭墓乃從之旋往廣東丹霞山一夕遁去自是莫能跡迹寅往來萬里負寄

丁求數歲卒不得竟以是悒悒死時稱其孝子於姚江黃公家得見講山所封還月旦之書甚自刻責以爲辱身對簿從此不

敢豫汐社之列嗚乎其亦可哀也夫

田按西陵十子理李何之鑿緒鐘鍾譚之頹波觀虎臣自序首簡云三百而降厥體屢變根極情性緣以文藻軌因代殊要歸

雅則是故騷詞樂府長句胚胎十九河梁五言堂構陳隋唐李則律絕禘祫也然祖構相沿折衷論定古風極於元嘉近製斷



自大歷人代更始，鄒下無譏，抑何哉。攷鏡五言，氣質爲體，俳儷存古，仰逮猶近，瀏亮爲工，失之逾遠。近體務竭情瀾，求諧音節，託興漢魏，選材六朝，意貫語融，靡傷氣格，變調無取，旁門益乖。故武德而降，雖爲古元，和而還難爲近也。又況宋習鄙鈍，元音俚下，藝林阨運者乎。明初四家，掃除不盡，廓清於何季，再振於嘉隆，斯道嗣興，斌乎大雅。然七子積流，馴趨浮濫，竟陵矯之，枯率環淺，尤愆斐然。自餘紛紛，無關商較者矣。景宜諸體，勁健不及，祖望藻麗，不如去矜，而當時推爲風雅，領袖豈不以名德足重，有在言語文字之外者耶。

### 臨平申包胥廟

申公祠廟俯寒汀，朱戟森森掩翠扃。秋入松杉偏慘淡，夜深燈火自晶熒。山迴石鼓蒼雲斷，水漲東湖草色青。向晚茫茫空雪涕，不知何處是秦庭。

### 客愁

瘴癘天邊幾度春，長安西望淚沾巾。趙王臺上珠如月，誰復裝金贈漢臣。

### 河渚春行

十里晴溪芳草斜，梅花落盡見桃花。不知春色來何處，遙指江粧出浣紗。

### 秋夜聽潘生歌

樽前歌罷總銷魂，把酒空沾涕淚痕。纔向人間聞禁曲，秋風先到故侯門。

### 卓八月二首

人月字珂月仁和人貢生有蟾臺藥淵等集

池北偶談武林卓珂月崇正初作千字大人頌錯綜成章甚有理致

秦淮竹枝

兩岸高樓倚白榆樓頭人面映蝦鬚雨絲風片有時有雲黛煙鬢無日無

東吳竹枝

光福楊梅血色斑洞庭芡實八珠環天生兩種堪銷夏何必吳王消夏灣

夏緇七首

緇字雪子嘉善人天啓諸生有西冷維摩孤望三集

橋李詩繫雪子詩早務纖豔既悔之漸趨空淡一派至南中夢遊諸作與削蒼涼點染特絕妙句尤多風調有竹枝縹緲之音

夢同錢彥林遊雞足山亦猶盧綸同吉中孚夢桃源也因賦

步步焚香燈百里皆禪寮懸巖縛瘦屋高下隨山椒有如巢林羽一一綴寒條客子脫青笠隨意挂僧瓢  
飯宿無前期但望風旛飄松杉響今古蟲鳥號晨宵梵唄出澗壑鐘鼓過亭橋如何繁音曾聽之增寂寥  
曹溪一夜雨流沫復如潮

至滇幕寄答扈芷大師

白浪青厓處處愁，無端萬里卻來遊。遠心自欲投雞足，秃筆非真羨虎頭。海際孤萍來澤國，天邊一髮到梁州。歸來還約師同住，閱盡花開共水流。

昆明女兒歌二首

皂笠遮紗覆額雲，猩紅小襖燄如焚。爲嫌鞋齒頻兜襪，高曳蠻花綉蝶裙。鸚鵡新雛不肯籠，但將梳掠鬪春風。朝來粉頰微添白，卻紫雙鬟瑟瑟紅。

南中曲三首

盡說哀牢漢不如，江珠片片碎芙蕖。竹枝近譜蘆笙曲，木夾遙傳貝葉書。不數闕支北地能，女酋騰騎疾於鷹。繡旗閃陣朝擒賊，錦幟遮燈夜供僧。小小螺山亦破鞵，青青草海卻通簿。波燃白火招漁舶，路撲紅塵趁虎街。

趙韓一首

韓字退之，平湖人。國子監生。有攬言、蠟言、蕉言。

田按：晉禪間，竟陵之說甚行。家矜牛鬼，人詭蛇神，奇奇怪怪，何所不有。海鹽陳則梁，平湖趙退之，拋其流波，余錄則梁詩了知。年命促，姑妄話神仙，猶見解脫退之詩：孤主河山如瓦注，羣公門戶自金湯。特自警策，譬拾金於恆河也。

送馮茂遠北遊

知君邱壑意中多。客路風塵奈若何。我是長門愁怨女。慇懃勸爾畫雙蛾。

韓曾駒四首

曾駒字人毅。後更名顯德。烏程人。諸生。有悟雪齋集。

吳興詩存。人毅甲申後棄諸生。棲遲庚村以老。

田具詩用王荊公韻

耕牛

春耕雨一犁。蹶潑水滴滴。夏畦病炎歎。早耕日未出。秋穡策元勳。快此萬寶實。相齊而商歌。我耕非汝匹。

耨鋤

勿用曲如鉤。亦勿學劍直。雖以柄授人。利器不可得。田疇閱廢興。斯物無因革。陳涉昔亡秦。以此代鋒鏑。

牧笛

青草煖茸茸。知是牛眠地。牛歸依夕陽。背上生秋吹。吹萬此其一。人牛俱適意。丁男揮汗鋤。輟耕羨童穉。

錢鏹

執器問老農。不辨錢與鏹。鐵官久失職。磨厚使之薄。一治別名象。利用在除惡。悟此艱難中。無逸可無作。

韓繹祖六首

釋祖字茂貽烏程人諸生與總兵金有鑑等起兵復湖州兵敗匿僧舍見伶人衣冠上場大慟而絕有詠性堂遺稿

田按茂貽與總兵金有鑑推官戴重貢生潘國瓚諸生王光祉布衣蔡元心王元震起兵據湖州府城兵敗有鑑國瓚光祉元心元震死之重中箭洞腰臂歸鷹阿山傷發死茂貽避匿僧舍一日偶見伶人衣冠上場大痛而絕

### 宮怨

獨倚長門望寒鷗影又斜  
何人承雨露對爾惜年華  
薄命霜前葉新恩鏡裏花  
知憐玉階草無分過香車

### 九日病起

策步及新晴天高野水平  
醉餘成小隱睡足勝長生  
林密行無影雲空過有聲  
東籬時在望誰可對秋英

### 揚州哭史督輔老師墓

權臣內擯外強藩來往江淮一旅屯  
馬革空留酬義骨龍髯追從鑒忠魂  
運移諸葛終無效力盡睢陽又  
絕援夢裏旌旗催北渡孤墳何不葬中原

### 客鳩茲沈崑銅

鉤黨餘生賴鬼神  
斯世正逢辰誰當魯國眞  
男子尚有荆卿舊  
酒人老去立章多磊落  
亂餘肝膽益  
輪囷花前雁後年年侶  
鄭重相思切主臣

寄林確齋

英雄今古亦何憑。廣武城荒孰再登。壯士歌空悲易水。真人氣久望春陵。私將痛哭留天地。恐發狂言累友朋。京國飄零餘落日。青峯江上自層層。

晚秋臥病雪巖寄懷諸同志

十年戎馬脫重圍。霜雪初寒客少衣。患難投入雄氣盡。笑言隨衆苦心違。挽回潰海真無策。流落名山亦當歸。劇孟原嘗皆已盡。西風蕭瑟掩柴扉。

陳梁一首

梁字則梁。海鹽人。有萸園詩。命者菑。浣筆池藏稿。个亭集。

攜李詩繫。則梁年十八。皈依蓮池大師。法名廣籍。未幾。走長安。上書不用。晚年無意於世。自稱散木子。有萸園詩。人稱萸園公。有命者菑。浣筆池藏稿。或稱命者山翁。亦稱浣公。甲申後。造庵居之。稱个亭和尚。自題其幕曰。生無愧怍。去無牽纏。其聯云。與爾同甌杭米汁。至今孤塚有梅花。有个亭集。爲文光怪。嘯特奇。不可句。而事必準古。言足垂世。詩亦如之。評者謂其如湘川亂雲。峨眉殘雪。知言哉。

病

人病心尤靜。天晴竹更妍。想唯棋客至。妙得酒方傳。塞竇憂風仄。推窗喜月圓。了知年命促。姑妄話神仙。

錢士馨一首

士馨一名軹字稚拙又字稚農平湖人貢生有廣筵集

靜志居詩話稚農入燕遇寇變著甲申傳信錄十卷頗不失實平生賦詩無多能遠時習

構李詩繫士馨入南雍見知於吳梅村尋入燕公卿爭欲客士馨久而厭薄之人漸目爲狂生賊犯京中允李明睿嘗請南遷士馨私謁之泣曰賊盡得秦隴晝夜行四五百里倘繞出畿南以犯警蹕公將何辭以謝天下李慙懼又曰不知死守以待勤王之兵先遣太子南行以繫人望李難之及京城陷士馨匿迹樵林竄於兵戎禍亂之中每多憂悒感憤發爲文章後常往來河朔間盡交其豪傑偶偕五人至慶陽薄暮微雨五虎躍出士馨曰不盡殺何以見諸君勇力乃人發一矢當者立斃一少年矢貫虎額尺許虎入林莽中追割其舌以報至旅店縱飲獨不與少年酒賁之曰發矢不中要害不足多也後奔走無所成自某其騷賦詩文曰寶笈集別著甲乙圖書一卷古文易二卷續越絕書二卷曹國志二卷虱略一卷咸陟外乘一卷傳信錄十卷三餘贅事一卷魯國通表十卷士馨輕財好客工古文詞兼精書畫每抵掌古今必縱橫數千言卒至窮老以死亦可哀已

### 漫興

水落波平菡萏稀。玉河銀溜冷斜暉。幾回雁字來沙漠。每見熊旗出帝畿。冀北梧桐還乍脫。江南鱸膾又空肥。砧聲未聽敲窮巷。早有微風侵葛衣。

### 李寅二首

寅字寅生一字曉令嘉興人諸生有視彼亭詩魚喁草

明人詩鈔續集曉令於明詩人嗜大復昌穀兩家若太倉歷下諸公則曰姑舍是蓋矯七子之派變而得其正者

詠史

炎運既淪頽。海內蕩無紀。讒邪日高張。君子道終否。於時潁川彥。偉哉得元禮。荀、陳互師友。郭、賈實知己。龍門一何峻。模楷天下士。疾惡意若讐。獎賢時借齒。名高怨益深。黨禍從茲起。元黃遞紛爭。黑白誰見理。荀爽諷自全。鄉人亦云爾。剛腸竟不移。抗節心所矢。不惜遲暮年。慷慨輕一死。豈伊喆人亡。所嗟大廈圯。遙遙千載餘。烈烈光遺史。撫卷仰風裁。儼焉當御李。

曹家灘後夜泊平望有感

犬吠寒塘寂。漁歌次第生。遺愁明月好。多難故園輕。野曠林無影。天空雁有聲。風波今夜少。差息旅魂驚。

俞汝言三首

汝言字右吉。秀水人。諸生有大滌山房集。

構李詩繫。右吉身矮。善談諧。爲諸生不遇。國初葉舉子業。自稱漸川遺民。遊燕、趙、韓、魏、宋、衛、閩、粵之鄉。越雲中。雁門。歸而閉戶著述。篇帙之富。近代學人莫與抗衡者。

靜居詩話。右吉早著名於復社。其文氣逸格高。詩亦文華中有眞實。

井陘道中

東馬嶽崎道路艱。馳驅猶是漢家山。懸流苔洗將軍壘。落日煙封娘子關。垂黍秋川辭戰伐。橫碑古澗費追攀。兩看旅雁遼江北。自愧征衫不暫閒。



大名九日

搔首中原去雁號。帝邱景物倍蕭騷。愁歆白帽清霜逼。風捲黃河濁浪高。在野樓臺臨大澤。摩天鵬鷲見秋毫。射熊戲馬何年事。聞道漁陽羽騎勞。

鄴中懷古

漳河清濁太行東。此地曾聞霸業隆。川岳無心悲鼓角。邱原何處問英雄。鬪雞閱馬興亡外。冰井銅臺涕淚中。獨有窄波雲表立。鈴音獨語向西風。

祁鴻孫一首

鴻孫字奕遠。紹興山陰人。

懊儂歌

雙鴛隔雙窠。織縑一百鐻。兩月不成匹。

